

# ს ა ს ე ლ ა

## გ უ ლ ა

ჩვენი სოფლის თავიკაცის, რეჯებალას ბადიშს დუნია\* იცნობდა. ნამეტანი ჩინგანი\* იყო ეს თორმეტი წლის ბაღანა. მისი გუუკეთებელი რამე აღარ დარჩენილიყო, მარა\* ბაბუამისის შიშით ვინ გუუბედავდა ზედმეტის თქმას.

ერთხელაც ნამეტანი შეტოპა და ზედმეტი მუუვდა. ყველაფერი იქიდან დეიწყო, რომ სოფლის ხოჯას ვერ იტანდა. ყველაზე მეტს მის თხასავით წვერზე და მოტლეპილ\* თავზე ოხუნჯობდა. ხოჯაც მისი შიშით სულ ქუდჩამოფხატული დეიარებოდა. კაცი, რომლის შიშით სოფლის ბაღნები მის ახლოს ხმამალა ლაპარაკსაც კი ერიდებოდნენ, ამ ლაპს\* ძალივით არიდებდა თავს. ესაოდა, ბაბუამისს ვცემ პატივსო, ხან „პატრონის ხათრით ძაღლსაც კი არ უნდა დაარტყა ჯობიო“ - იმართლებდა ხალში თავს... მარა, ცოდვა გამხელილი ჯობია, იცოდა ხოჯა ეფენდიმ, რომ აი ბაღანა ერთს გეოხუნჯებდა გონჯად და მერე მთელი თვე იჭაჭებოდა მის ზურგს უკან მთელი სოფელი.

ჰოდა, იმას ვამბობდი, რომ ერთხელ ნამეტანი მუუვდა მეთქი. იმ დღეს ხოჯამ ვეღარ მეითმინა ამ ბაღნის კიდევ ერთი უშნო გამოხტომა და მედრესეში ყურანის სწავლიხან ნახევარი საათით ლობიამს მარცვლებზე დააყუყვა\*. მერე მთელი ნახევარი საათი ფიქრობდა შედთანზე\* ადრე დაბადებული ბაღანა, თუ რაფერ წეესხმეგია ცხვირ-პირიდან ხოჯისთინ ეს ამბავი... სახლში წამოსლიხან\* მედრესეს ოდაში მეორე ხოჯა შემოვდა. ცალი თვალი კი გააპარა ლობიამს მარცვლებზე დამუხლულ რეჯებალას ბადიშისკენ, მარა სიტყვის თქმა ვერ გაბედა. ახლა მის ადგილზე რომ სხვა ყოფილიყო, შეიძლება უკნიდან პანღურიც კი ეთავაზებინა, მარა ამ ბაღანა სხვა იყო და პირდაპირ ხოჯა ეფენდისკენ გეეშურა. ხოჯა გრძელ სექვსზე იჯდა და ნახევრად თვლიმავდა\*. ოდაში შემოსული ხოჯის დანახვაზე ნახევრად წამოწია გვერდი და ბუჯაღისკენ\* გეეწურა\*. რეჯებალამს ბადიშმა ყურები ცქვიტა. მიხდა, რომ ახლავდა მეფეიქრებია რამე, ან მთელი სოფლის საშაყირო გამხდარიყო ეფეჯა\* ხანი. რაცხაფერ\* ყური მოკრა, რომ დღეს, ლოცვის მერე ჯამიკარის\* ნალიიქვეშ პურიდა ეჭამენ სერი გაღმელი ხოჯების ერთად. ამის გაგონებაზე ერთი წუუფხუკუნა ბუჯაღში ჩამუხლულმა და ძალივით ცქმუტუნი დეიწყო. ხოჯა ეფენდიმ გვერდულად გამოხედა ბაღანას, იფიქრა ნამეტნავად\* დეიღალაო და პირუკულმა ამეღბლუკუნა:

-ახლა სახლისკენ უუდე და ბაბუაშენს რომ ვნახავ, სათქმელს ვეტყვიო.

კუნტრუმ-კუნტრუმით გედრბინა დასჯილმა ეზო და სულაც არ უფიქრია ხოჯის მუქარაზე. ეტყოდა არა ხვიტი! რამემს მთქმელი რომ ყოფილიყო, აქამდეც ეტყოდა. რაც ამას დღემდე იბრეთი საქმეები უკეთებია, ახლაც ბაბუამისის წინდა იდგეს დორბლმორეული.

კუნტრუმით გეექცა მეთქი კი ვთქვი მარა, იმფერი\* გადატყავებული ჰქონდა ბაღანას მუხლები, რომ სიმწრისგან მომდგარ ცრემლებს მჯიღებით იწმენდა ვინმემ არ დიმიანახოს სასირცოდო\*. ბზების გადაღმა ღელიპირში ჩევდა და მუხლებზეეთ\* ედკოტავა\* ზიგვის\* ტოტები\*. - „შენი კაცობაცო!“ - ერთი მიაწირება\* ხოჯას და ყინულივით ცივ წყალში მუხლებამდე შევდა. ცოტა ხანი ასე იდგა და როცა მუხლებში ტკივილმა უკლო, სახლისკენ გეეშურა.

სახლში ნამეტარი სხვანაირად იქცეოდა.... იცოდა, რომ ბაბუამისს მისი დიდი იმედი ჰქონდა და ისიც გულს არ უტეხავდა. იმდენად ხიზმეთი\*, დუუზარელი და ზრდილობიანი იყო სახლში რომ, ნამეტანიც\* რომ დომებოდა ვინმეს, ვერაფრით დააჯერებდა ბადიშის სიგონჯემი რეჯებალას.

ჭიმვარში შესულმა კაკლიძირში ბაბუამისი დედნახა და პირდაპირ მისკენ

გეემურა. მოხუცს ფეხებშია ნახევრად მოქსოვილი გოდორი ედვა. იქვე წყლის დარში ჩეყარა კაი ჯაყვა დანით თხლად დაჭრილი და მრგვალად მოხვეული თხილის ხაშრები\*. ღობეზე კი ბლომად მიეყუდებინა ჯერ კიდევ დუუმუშავებელი საგოდრე მასალა.

- ბაბუ, კიდევ უჩემოდ წე ტყეში ხომ? - ნაწყენი ხმით უთხრა დაღლილ ბაბუას ბადიშმა. ბაბუამ კი კითხვა შეუბრუნა ბადიშს და ჩაჭუჭული თვალით კითხა:

- ჰად\* იყავ ამდენ ხან, დურსუნადას ბაღანამ ეფეჯა ხნის წინ გეიბინა\* სახლისკენ.

- რა ვიცი ბაბუ, მაგას ეტყობა დილით კაიმალი\* და ცხელი პური არ უჭამია და ნამეტნავად ეჩქარებოდა, თვარა\* ბაბადას სულს ვფიცავარ, ახლა თუ არ გამოგვიშვა ხოჯამ.

ბაბუამ ალერსით ახედა ხაშარივით აშოლრილ\* ბადიშს და მის ხანუმს დუუმახა: - „ხენიფე ხანუმ, ბაღანას საჭმელი დუუდგი\* და აგზე\* მუუტანე, ნამეტანი დაჭყანული აქ სიფათი შიმშილისგანო.“

- არა ბაბუ, ოდაში შევალ-წამეიმახა გულამ და სახლიკენ მოკურცხლა. ზეზევლად წეილუკმა, ბეზიას ლოყაზე აკოცა და სახლის უკან ბაბუას სათახუმოში\* შეეპარა. საჭირო ნივთები ედლო და პირდაპირ ჯამიკარისკენ დუუწიწინა\*...

ნალიასთან ახლო მისულმა ფიცრულს წრე დაარტყა. ძველი ნალია ოთხ მსხვილ დირელზე\* იდგა. ნალიასა და დირელებს\* შორის თაგვების შიშით მიწიკენ პირით მეემწყვდიათ ბარქაშები\*. ეს ფიცრული ალბათ ასი წლის მაინც იქნებოდა და ალბათ ამიტომაც ნაცეცხლურით გამავებულიყო. გულა პირველად კიბეზე აძვრა და ნალიაში შეიყუჟა. იქიდან კარგად დაზვერა გარემო და როცა ჯამიკარის ღობეზე ხოჯის ვირი დეინახა მიბმული, ყველა გადაწყვეტილება ერთად უარყო და გახარებული ჩამოხტა ნალიიდან. სახლიდან წამოღებული სათახუმო გახსნა და პაწაი\* ხერხით ნალიის ორი დირელი მთლიანად გადახეხა. გულამ კარგად იცოდა, რომ ორი კვირის წინ აგზენ სოფლის ბაღნები თამაშობდენ და მაშინ, ხოჯას რომ არ მეესწრო\* შეიძლება ცეცხლიც კი გეჩინათ ფუჩეჩებში. ამიტომაც ეჭვს ვერ მიიტანდენ მასზე და ყველაფერი იმ პაწვან\* ბაღნებს დაბრალდებოდა. ხერხვას რომ მორჩა, ნახერხაი ფუჩეჩებით მიმოხვეტა და ხოჯის ვირი ღობის მაგივრად მოხერხილ დირელზე მიაბა. ვირს მისი ხიზმეთები\* წყალში რომ ჩეყარა, ბლომად ბალახ-ბულახიც მუუმცრია\* და იქვე მიწაში ნახევრად ჩაფლულ საძიძველში წყალიც ჩუუსხა.

ხოჯები ახშალამაზიხან\* გამოჩნდენ ორღობეში. ნალიის ძირში დაალაგეს სახლიდან წამოღებული კალათები და დირელზე ჩამოკიდული დაბალი ტაბლა ჩამოხსნეს. სუფრა რომ გაფინეს, ზედ კაიმალი, მჭავე, ყველი, მწვანილი და ცივი დედალი ამოალაგეს. მერე ნალიიქვეშიდან ძველ-ძველი ჯორკოებიც გამოადრეს და შეუდგენ პურობიას. გულამ იცოდა, რომ ჭამა-სმის და ლოცვის დროს გაკეთებული იანლიში დიდი ცოდვა იყო, ჰოდა მოთმინებით უცდიდა წასასლელად როის ეიშლებოდენ ბერები.

ბევრი ცდა მუუწია ბაღანას.

სოფელი რაის სოფელი იქნებოდა, ხოჯების ქეიფი რომ გამოპაროდა და თავისი წილი არ შეემატებინა მათი მაგიდისთვის. პურობას შესწრებული და სახლში მისული მგზავრები ბაღნების ხელით უგზანდენ ცხელ-ცხელ ბორანოსა თუ კეცზე შემწვარ ზეითუნის კაკლებიან მჭადს, ქოთნით მაწონსა თუ ჯამით ღობიოს. მარა, ყადიოლლი დაუთადას ჩამოვლა რომ გუუხარდენ, ისე ვინმეის ნახვა არ გახარებინა ხოჯებს. შეძლებული დაუთადას პურმარილი საქვეყნოდ იყო ცნობილი და კარგად იცოდნენ ბერებმა, თუ რაფრად\* გეძვსებოდა ახლა მათი მაგიდა.

დიდი ურწმუნო ვინმე ყოფილა ეს დავითაჲ და რეჯებალადას ბადიშის არ იყოს, მასაც დიდათ არ ეხატებოდა გულზე ჩვენი ხოჯები. მარა, წესის და ადეთის კარგად მცოდნეს, პურმარილში ხალხის გამორჩევა დიდ უნამუსობად მიაჩნდა და ყველას ერთნაირად უმასპინძლდებოდა მის ბაბავათანში. ახლაც ჩაალაგებია კალათაში ქათმის აპობტი, გაცხელებული ყაურმა და ნიგვზით შეზავებული ფხალის მჭავე. ზედ მიაყოლებია ბაქლავა, ბურმე და ფელამუში, თურქეთიდან გადმოტანილი ლახათლუხუმი და ქალაქიდან

ამოტანილი ჩურჩხელები...დუუძახა მის ყაზირალს\*

და ხოჯებთან გაატანა.სანამ მისი ბაღანა ეზოის ჭიშკართან მივდოდა,ნალიის ქვეშ მდგომმა დაუთამ დუუძახა და მასთან ახლოს მისლა ანიშნა.ჯემალას ბუფლებში\* ჩეეცინა და ბაბადასკენ გუუყვა.

დაუთას ნალიის გვერდით ქვის პატარა ოდა ჰქონდა გაკეთებული,რომელსაც საკაცოს ეძახდა.დედიმისის შვილი იქნებოდა ვინმე,რომ მის უკითხავად იქ შესულიყო ვინმე.ცოლსაც კი არ აძლევდა ამის უფლებას.ჯემალამ იცოდა, რომ ახლა ნენეის ჩუმიად ღვინო ჰქონდა გამზადებული გასატანებლად და ამიტომაც მეხედა უკან ნენეი ხომ არ მიყურებსო...

ჯემალას გამოჩენამ ისევე დააჯა ბერები,რაფერაც გაახარა.თავში დამავიწყდა მეთქვა,რომ ყადიოლლი დაუთას ერთი იბრეთი\* ადეთი\* ჰქონდა: მის პურმარილზე მოსული კაცი თუ ღვინომს დალევაზე ვარს იტყოდა,ვერ პურს გასინჯავდა.ჰოდა იცოდნენ ახლა ხოჯებმა,რომ დაუთას სანაქებო პურმარილს აუცილებლად მოყვებოდა ღვინო;მათ კი ან პურობაზე უნდა ეთქვათ ვარი,ან კიდევ მუსულმანურ ადეთზე\*.დღემდე არაერთხელ შესწრებიან ხოჯები დაუთას პურმარილს და „ცოდვა გამხელილი ჯობიაო“ და უნდა ითქვას,რომ არც ერთხელ უთქვამთ ვარი დალევაზე...მხოლოდ შეზარხოშებულებს წამოცდენიან ხოლმე,რომ ღვინის სმა ძველებიდან მოგვდევს\* და ამიტომაც წვეპარებით ხანდახანო...

ჯამიკარის ნალიასთან მისული ჯემალა მოწიწებით მიესალმა ხოჯებს, მედკითხა მათი ჯანის და ოჯახის ამბები. თავისი ხელით ამოალაგა სუფრაზე ბაბადას მოკითხული,ტაბლიქვეშ ღვინის ტიკიც შეაცურა და სახლისკენ გაბრუნდა. მართალია, დაუთას აღზრდილი იყო ჯემალად და მასაც ვერ ხიბლავდნენ ხოჯები დიდად,მარა უფროსების პატივისცემა არავისგან ესწავლებოდა.

ჯემალას მოსლამ ხოჯების პურობა კიდევ უფრო გააგრძელა.საცაა მთვარე ედწვერებოდა დუნიის კაფაღზე\* და გულას სახლში დააგვიანდებოდა.მარა, ჩაფიქრებულის გადაფიქრებას ცოცხალი თავით ვერავინ აიძულებდა.მის იღბალზე პაწაა წამოწვიმა და ხოჯებსაც სისწრაფე დეეტყენ\*.რეჯებალას ბადიშის გულშიც წამოშიშინდენ შეითნები და მუგუზალივით გუუბწყინეს ტყის პანტა ბალივით ყურყუმელად თვალები. დაუთას ღვინოს შეპარებული ხოჯები კარგა გვარიანად შემთვრალიყვენ. ახლა ვინმეს ბარქაშზე ხელების ტყაპუნი რომ დეეწყო, შეიძლება ამაზეც აცეკვებულიყვენ ბერები.

ჰამანქი გულას ჯერი მოსულიყო.

უცქერდა ბაღანა ბერების ღლაბუცს და ბაბუას ნამღერი განგდაგანა ახსენდებოდა:

„ახალგაზრდებს რანდა უთხრა,

ბებრებია ატეხილი“

ჰოდა იმანაც ღობეს გრძელი ჯოხი ამოაძრო და ნელნელა გააპარა მისი წვერი ნალიის დირელზე მიბმული ვირის უკანალისკენ. მარა,სანამ გულად მიაჭერდა ვირს უკანალში,ხოჯამ ნალიიდან უთავაზა წიხლი თავის პირუტყვს და იგიც უკუღმა გახტა სიმწრისგან.სიმწრიგანო ვამბობ მარა, სიმწარე დუმაში გაჩხერილი ხიშტის უნდა გენახათ თქვენ.ერთი იმფერი დეიბლორინა\* ვირმა რომ რეჯებლას ბადიში თავქუდმოგლეჯილი გაწიწინდა აწვერილ სიმინდებში....

ვირის ბლორინზე ბერები ქორდაცემული ჭუჭულებივით\* გეფანტენ აქეთ-იქით.მხოლოდ ჩვენი ხოჯა ეფენდი დარჩა ნალიის ძირში და პირდაღებული უყურებდა თავის ფეხს,ამფერი რა ამოვკარი იმ შეჩვენებულს, რომ ბლორინით თავზე დამახურა სოფელიო.სოფლისა რა მოგახსენოთ,მარა ამდენ ჯახირში, საგულდაგულოდ გადახერხილი ნალია კი მართლა კინაღამ\* ჩამომამფხო თავზე გოდორივით. ვირის გამწარებულმა ჯახირმა ისე მოარყია რეჯებალას ბადიშის მიერ საგულდაგულოდ გადახერხილი დირელები, რომ წაქცეული კაცივით გადაქანდა უკან ფიცრული და ფეხებივით ააშვირა დირელები. გადახერხილ დირელს წამომრა ვირის საბელი\* და შემინებული სახედარი უკანმუუხედავი გაშპა\*

დელიპირში. წაზარხოშებულმა ბერებმა ყველაფერი ალლაჰის რისხვას მიაწერეს და კუდამოძუებულნი გეძკრიფენ სახლებისკენ.

დააყუყვა-დაამუხლა;  
სასელა-ნაადრევი მსხლის სახელწოდება აჭარაში;  
დუნია-ქვეყანა;  
ჩინგანი-ცელქი;  
მარა-მაგრამ;  
მოტლეპილი-მელოტი;  
ღლაპი-მოზარდი(აგდებულად);  
წამოსლიხან-წამოსვლის დროს;  
ბუჯადი-კუთხე;  
გეწურა-გაიწია;  
ეფეიჯა-საკმაო;  
რაცხაფერ-როგორღაც;  
ჯამიკარი-ადგილი,სადაც ჯამე,ანუ მუსულმანტა სალოცავი დგას;  
ხიზმეთი-წვალეზა,გარჯა;  
ამორლილ-ტანში აყრილ;  
ნამეტნავად-ძალიან;  
უუდე-წადი(დამცინავად);  
იმფერი-ისეთი;  
სასირცხოდ-სასირცხვილოდ;  
მუხლებზეით-მუხლის ზევით;  
ეიკოტავა-აიკეცა;  
მიგვას ტოტები- ანუ შარვალი;  
მიაწირება-მიაგინა;  
ნამეტარიც-ძალიანაც;  
დომებოდა-სდომებოდა;  
ხაშარი-ერთიანად ამოლტილი თხილის გრძელი ჯოხები;  
წეი-წადი ანუ წასული იყავი;  
ჭო-ბიჭო;  
ჰად-სად;  
გეიბინა-გაირბინა;  
კაიმალი-რძის ნაწარმი,შინაური არაყანი;  
დუუდგი-დაუდგი;  
ნამეტნავად-ძალიან;  
თვარა-თორემ;  
აგზე-აქ;  
სათახუმო-ანუ ადგილი,სადაც შრომის იარაღებს და ათას წვრილმანს ინახავენ;  
თვლიმავდა-თვლემდა;  
დუუწიწინა\*-მოკურცხლა,გაიქცა თუ რაღაც ამდაგვარი;  
ბარქაში-გობი  
პაწაი-პატარა;

დირელი-ბოძი;  
მეესწრო-მოესწრო;  
პაწვანებს-ანუ პატარებს;  
მუუმცრია-მოუგროვა;  
ახშალამაზიხან-სალამოს,შებინდებისას;  
პურობიას-პურობა;  
რაფრად-ვითარ,როგორ;  
ბაბავათანი-სახლეული,სამკვიდრო;  
ყაზირალი-ახალგაზრდა ბიჭი;  
ბუიუღებში-ულვაშები თურქულად;  
ნენე-დედა;  
იბრეთი-უცნაური;  
ადეთი-ადათი;  
მოგვდევს-მოგვდგამს;  
კაფალი-სახურავი,აქ ცა;  
დეეტყენ-დაეტყოთ;  
ჰამანქი-ლამის;  
დეიბლორინა-დაიყოყინა  
ჭუჭულელებით-წიწილებით;  
კინალამ-ლამის;  
ზეითკენ-ზევით;  
გაშპა-გაიქცა,გამძრა,გაქრა(გაერთიანებული მნიშვნელობით);  
საბელი-თოკი;

## ხ ა ტ ო

აქომინებული შევარდა გულად ეზოში და სახლის უკანიდან მის ოდაში გედეძპარა. მთელი ღამე ბორგავდა ბალანა და სინდისის ქენჯნით კტებოდა. კიდევ კად, რომ მეორე დილით ჰადმენ\* არ იყო წასასლელი და შვადღემდე კარგად გამეძინა. შვადღეზე ამდგარს სასტუმრო ოდიდან სტუმრების ლაპარაკი შემეეყურა. ბალანამ იფიქრა, გუმინ რაცხა ნამეტანი დავაშავეო და თავჩალუნული შევდა სტუმრებთან. ოდაში სექვზე\* სოფლის კაცები იჯდენ ფეხმორთხმული, მათ შორის იყო ხოჯა ეფენდი და დაუთა ყადიოლიც. კაცებს ლაპარაკი არ გუუჩერებია, ბალანის სალამი ეძღეს და ისვენ გააგძელეს ბჭობა. გულად ნენულასთან გევდა კერიაში და ჩუმად კითხა რა ხდებოდა. ბებია მთავი გააქნია სინანულით და გაშლილ მაგიდისკენ მუუთითა ბადიშს. ბაგანა მიხდა, რომ საქმე მას არ ეხებოდა და გემრიელად მიირთვა სადილო შეჭამანდი.

ამ ამბიდან რამდენიმე დღეში სოფელში ძალვან დიდი თოვლი მოვდა. ნამეტნავად კაი სამზერელი იყო სოფელი ამფერ დროს. ბალან-ბულანა ისე გაახალისა ამ ამბავმა, რომ დილ-დილაი გესულეები გვიან ღამეში ბრუნდებოდენ სახში. ნაქილისევის\* აღმართზე იმფერი სასრიპინო\* გეეკეთებენ, რომ რამეს რომ არ დეეკავებია, პირდაპირ ღელიპირში ადენდენ ჟღვართანს იქიდან მოწეწილები.

ჩვენი დელი-დულად\* გულადც ისე გამშპარიყო ქედფში\*, რომ აღარც ჭამა ადარდებდა და აღარც სმა... იმ დღესაც დიღვანად ადგა, კამდამღში ჩაფუნჩხილ\* ყველს ნენულადას მიერ გაჯინჯიხებული რძეც დააყოლა და თიბილად ჩაცმულ-დაბურულმა საფშაკუნოდ\* წასლა დააპირა. ის იყო ოდიდან გასლას აპირებდა, რომ ჰავლის\* ბოლოში სიმინდით საცხე სამვალო გოდორი დეინახა. ვინცხას რომ ახლა თვალი წამეეკრა ჩვენი ყაზახისთინ, იფიქრებდა სანარწყალში\* დუუმშა ფეხი და ფუნაში ამოგორდაო, იმფერი წუუხდა იმ წუთად სიფათი. ახლავენნა ითქვას, რომ დიდი გოდორის დანახვაზე ასე ძალვან არ დეეჰყანებოდა სახე ბაღანას, მარა იცოდა, რომ ამ პაწაი გოდორის ტარება მარტო მას ქონდა გამოწერილი. მარა, ისიც იცოდა, ახლა რომ ბერისთვის ვარი ეთქვა, სიტყვას არ ეტყოდა მოხუცი, გადაყრიდა სიმინდს დიდ გოდორში, ცოტას სიმინდს ზეიდან დუუმატებდა და უუყვებოდა აღმართს წისქვილისკენ. ამის გაფიქრებაზე ცალთვალჩაჭუჭულმა მეიფხანა თავი და ხალისდაკარგული გუუყვა გოდორისკენ. ახლოს მისულმა შით ჩეხედა და ნახვარსავსე სიმინდის დანახვაზე ახლად აღინღლულ ბუდღებში ტკიბილად ჩეელიმილა. ბაღანა მიხტა, რომ ჯერ კიდევ ებრალეობდა ბაზუამისს მძიმე ტვირთისთვის, მარა არც საფშაკუნოდ გესული ბაღანა უხაროდა სახლიდან. ჰოდა, ამისთვინ მეეფიქრებია ალბათ წისქვილში მისი გაშვება, თვარა ასე უცბათად არ დუუმთავდებოდა თავშემონახულ რეჯებალას ქიბილი. გულამ, ის იყო მეიბლუნკა\* გოდორის მოსაკიდებლად, რომ იქვე, გოდორში კარგად გამოკოჭვილი ფუთა დეინახა. ალბათ საგზალიაო, გეეფიქრა მისთათვინად და სიმინდს ზეიდან დაადვა. ეზოში გესულმა ნალიიში დადგმული მეორე გოდორიდან პაწაი სიმინდი დეემატა და ლელიპირს გუუყვა.

რეჯებალას სოფელში ყველაზე უმფო დიდი წისქვილი ედგა. შორიდან რომ შეგეხედა, მაილა\* გეგონებოდა, მარა ჰკვადაჯერებული კაცი იმთათვინად მიხტებოდა, რომ ამ გავეშებული მდინარის პირში კაცი საცხოვრებელს არ მეიწყობდა. ნამეტნავად შორიდან მუუწია ბაღანას წასლა, რადგან მოკლეზე იმფერი საშლიპინო ქონდენ ბაღნებს გაკეთებული, რომ ზოვლი\* ჯიხვიც ვერ მეიკიდებდა ჰადმენ ფეხს. ნახვარი საათის სავალზე სამჯერ მეტი დრო დაჭირდა ბაღანას. მუხლებზე მომდგარი თოვლის გაკვალვა, ისიც გოდორმოკიდული ბაღნისთვინ არ იყო სახუმარო ამბავი, მარა დიდადაც არ ჩქარობდა ჩვენი ყაზახი. თუ ვერ მოასწრებდა დაღამებამდე სახლში დაბრუნებას, წისქვილში გეეთევდა ღამეს, ნეტაი ლოგინი არ იყო იქ თუ საჭმელ-სასმელი? ამ წისქვილში ყუმარის მოყვარული კაცები ხშირად ათენებენ ღამეებს და რაფერც ჩუმ-ჩუმალად ამბობს ხალხი, თურმე ღვინოსაც წრუპავენ... ისე, ერთხელ ყადიოლლი ჯემალადას მოტანილი ღვინო ბაღნებმაც კი დალიეს ამ წისქვილში და მერმენ ისე დათრენ, რომ ღარში უკნიდან შეშვებული წყლით პირულმა აბრუნეს დოლაბი... ალლაჰმა უწყის, რამდენი იბრეთი ჩინგნობა\* გუუკეთებია გულას ამ ალაგში. ერთხელ კინაღამ ცეცლიც კი წუუკიდა წისქვილს და რეჯებალას რომ არ მეესწრო დროზე, ალბათ მანაც შიგ ამეებუგებოდა. მას მერე ეშინია ცეცხლის გულას...

წისქვილში მისულმა გადახურვილში ჩამოდგა გოდორი და რკინის რაზას დუუწყო ჯახირი. ძლივად გახსნა კარები და შიან შევდა. დარაბა გადახსნა და სოფელს გამოღმიდან გახედა. ბუხრის ყელემიდან ამოსული ფუტები რომ არა, მინდორი ეგონებოდა კაცს სოფელი, ისე იყო თოვლით დაფარული. ყიბლისკენ\* ნამძვებით დაფარული მისი სახლი ადვილად გაარჩია ბაღანამ და სობის\* დანთებას შუუდგა. კვარმა იმფერი კად სუნნი დაატრიალა წისქვილში, რომ დაღლილი გულად იქვე, სობიში გუუგორდა ცხვარი ტყავზე და პაწაი წუუძინა კიდევც.

პაწაი მეთქი ვთქვი მარა, კარქა ხანს იძინა ზავალმა\*. არ შუუტყია რაფერ დეეწყო ქარიშხალი და ისიც, თუ რა მალე ჩამოხნელდა. ალბათ თოვლის ბრალი იყო, თვარა, ასე ადრიელად არნა დაღამებულიყო. კარის გაჯახუნებაზე სერსემივით\* წამოხტა სობიშირიდან და ახათქუნებულ კარებს ეცა. გადახურვილში გეეხედა და ახლა გაახსენდა გოდორი, კიდევ კად, რომ არ წაქცეულა ამ ყიამეთში. გოდორი წისქვილში შეეტანა და ის იყო, კარებიცნა მეეხურა, რომ ახოსთან რაცხა შავი დედნახა გაგდებული. პაწაი დააკვირდა და მიხტა, რომ ზავალი ევათუნებოდა, მარა ვერ დგებოდა ფეხზე. იფიქრა, ვინცხადას ხობო\* იქნებო და მგლის

საღუკმდ რომ არ დარჩენილიყო, წაშველება გადაწყვიტა.ჩქარ-ჩქარა წამედბურა თავზე ჭილოფი და კარში გევდა. ქარი დაბეჩებულებით\* ეცა ყიაში და კინაღამ ისიც ღელისკენ დააგორა.თავს ძლივად იკავებდა ამფერ ამინდში ბაღანა,მარა მინც მიიწევდა ზედთკენ.ახლოს მისულმა დეინახა,რომ ხობოს რაცხა ჭრელი ქონდა თავზე წამოხურვილი.ალბათ ვირია და რაცხა ქონდა აკიდულიო.გედფიქრა ბაღანამ და თოვლში გაკვეხილს თავზე დაადგა.ჭრელი ფარდაგი გადაწია და შიშისგან კინაღამ გუუსკდა გული.ვირი კი არა ხოჯა ეფენდის ქალაქელი ბადიში იყო თოვლში გაფშეკილი.ალბათ ჩემ მოსლამდე სული მიცაო,გედფიქრა ბაღანამ და ცალი ხელით შეანჯღრია,თვარა ად წაკატა გოგო იმფერი უქმური ვინცხა იყო,რომ ცოცხალი თავით ვერ გაანძრევიებდა ვინმე მისთვინ ხელებს.ციცამ თავლები დაფახუნა,მარა ისე იყო გაყინული,თავიც ვერ აწია ზედთ.გულამ გულში გედფხუკუნა,ხომ ვიყარე შენზე აჯელიო\*,მარა მიხტა,ახლა ამის დრო არ არისო და გოგოს დეეწიკა,თოვლიდან ამოათრია და მერე დედნახა სისხლიანი თოვლი.თურმე ზავალს მხეცის ხაფანგში მოყოლია ფეხი და ამიზა გაჩხერილა ახომი.გულამ ფეხი უსულით\* გუუთავისუფლა და მხარზე მედკიდა ად გაწრეპილი\* გოგო.წისქვილში ძლივად შედყვანა და სექვზე მიაწვინა.მერე კარი შიგნიდან დაკეტა დარაბებგახსნილ ფანჯარაში ჭრაქი დაანთო. ამ ადეთს ბაბუამ დააჩვია.როდცხა წისქვილში ითევდა ღამეს,ჭრაქს ფანჯარაში ტევდა მთელი ღამე ანთებულს,რომ სოფლიდან დეენახენ,რომ რამე არ ჭირდა და აგზენ იყო.

გულამ სობაზე წყალი შემოდგა და ციცას შორიდან დუუმახა.ოდის სითბო ესიამოვნა ეტყობა თოვლში გაფშეკილს\* და მალე გამედხედა თვალში.გულამს დანახვაზე მასაც უუვდა შუბლზე თავლები,მარა რანნა ექნა,დიდად არც ენაღლებოდა ეს ხაშარად ბიჭი,ფეხის ტკივილი აწუხებდა ძალვან.

-წყალი თიბილია და თუ გინდა დედბაი ფეხები.-უთხრა გულამ ჭეჭელას\* და ფეხით მუუჩოჩა სექვთან ახლოს დასაბანი,თვითონ კი თავზე დეიბურა ღამაზად და გარეთ გევდა ღარში წყალის გასაშვებათ.ახლა რომ არ გეეშვა,ღამე ყინვას დააჭერდა და ტყვილად დარჩებოდა ბაღანას ნახიზმეთარი\*....

გარეთ გესულ გულას გულზე დერდები შემეესია.ღმერთია მოწამე,რომ ამჯერად განგებ არ მუუწყია რამე ხოჯისთინ და მისი ბადიში შემთხვევით აღმოჩნდა მის წისქვილში.მარა,დუნიას დააჯერებდა კაცი? რანდა ექნა ბაღანას?ამფერ ყიამეთში\* სოფლისკენ რომ წესულიყო ამბის მისატანად,ან ქარი გადაჩხეხავდა კილდიდან ან დათვის და მგლის ლუკმა გახდებოდა,მარა არც წისქვილში ციცას ერთად ღამის გათევანა ყოფილიყო მართალი საქმე.აგზენ ხომ არ გაათევდა ღამეს? არადა,იმ წარაკვას ფეხი ნამეტურ გონჯად ქონდა ნატკენი.სოფლისკენ რომ წესულიყო და ციცად ტაბასტისგან\* დაცლილიყო, მერე რანნა ექნა?...ერთპირად ისიც კი დააპირა,რომ მარხილზე მიეკოჭა და ისე წეეყვანა სოფლისკენ, მარა იმ წუთად გედედფიქრა,ასე ხომ უმფო ჩააგდებდა იმ ზავალს ხიფათში.

საგონებელში ჩავარდნილმა წისქვილს რაცხაფერ მუუწყო წყალი და ფეხითრევით ევდა ზედთ.პაწად კად ამინდი რომ ყოფილიყო,შედმლება ტალღაშიც\* გეეთია ღამე და აქიდან ედარაჯა ავადყოფისთვინ,მარა ამფერ ქარბუქში რომ პაწად კიდვენ დარჩენილიყო გარეთ,შედმლება იქეთ გამხდარიყო მისახედნი.

გულამ უსულით\* გაალო წისქვილის კარები და თავდახრილი შევდა სობით\* კარქა გამთბარ ოღაში.ვითომც აქ არაფერიო,შედგა ჯორკოზე და სიმინდის გიდელივით ჯარაში ჩედხედა,ზედდან სიმინდი დაამატა და მხოლოდ ახლა გედხედა ხატომსკენ.ციცას იმფერი წამხდარი ფერი ქონდა, რომ შიშისგან ყბა გუუკავდა ბაღანას. ჩამოვდა ჯორკოდან და ახლოდდან დახედა სექვზე მიწოლილ ჭეჭელას. ჯირკზე შემოდგმულ ფეხიდან ისვენ დიოდა სისხლი და სიმწრისგან იწირეხებოდა\* ზავალი.ბაღანამ უცბათად მედფიქრა და ქიბილისთვინ გამოტანებული თეთრი მიტკლის თორბა\* სასწრაფოდ დახია.ნახვარს ცხელი წყალი დაასხა და პაწად რომ გაჯინჯიხდა,იმით სისხლიანი ფეხი მოწმინდა.მერე ედლო მეორე ნაჭერი და ფეხი კოჭში კარქა ამუუხვია.პირველათ იყო გულად ასე ახლოს გოგოსთან და ძალვან უჭირდა

გულში.არც ციცად იყო კარქ დღეში...პირი კედლისკენ მიებრუნებია და მჯილით იწმენდდა სიმწრით გადმოღვარულ ცრემლებს.გულად რომ ხიზმეთებს მორჩა,-„ხომ არ გინდა რამეო?“- კითხა ხოჯის ბადიშს.გოგომ თავი გააქნია ვარის ნიშნად მარა, მაინც წუუხსნა ნინველმა დიდნენებს მიერ გამოკოჭვილ ფუთას თავი და ცივ-ცივი შეჭამანდი ამოალაგა ტაბლაზე.ცოტა ხნის მერე გულამ ენის ბორძიკით შეაპარა ციცას:

-თუ არ შეგეშინდება,სოფელში ჩევბენ და ხოჯა ეფენდის შენ ამბავ მუუტან, თვარა შეეშინდებიან შენებს.

-დედემ არ იცის,რომ ტადაიდან წამოველ,ბაღნებმა ქილისეეს ამოყელვამდე\* ამომყვენ და მერე უკან დუუყვენ დაღმართს.მე ქილისეს რომ გვერდი ვუქციე და თქვენი სოფლისკენ წამოსლა დავაპირე,დაღმართზე ჩავლის შემემინდა.აქიდან წამოვედ და აგზეც ბელაში გევები\*, -წუუყურა\* გოგომ პაწაზე\* და მერე ჩქარ-ჩქარა მიაყოლა აფურთნილმა\* - რაცხაფერნა\* ავდგე და წევდეო....

ალბათ,ციცადც იმაზენ დარდობდა,რაზეც ჩვენი ყაზახი.მათი ახალობა\* ვერ გაამართლებდა ერთ თავანქვეშ\* ღამის გათენებას.ხატომს ნათქვამმა კიდვენ უფრო დააჯა გულად და ალაღ-მალაღ\* უფუნგა\* სადარდელი.

-ცავ,შენ რაცხაფერნა გუუძლო,მე ახლა სოფელში ჩევბენ და შენებ ამეყვენ. არ შეგეშინდეს;აგზენ რომც დათვი მოვდეს,შიან მაინც ვერ შემოვა, იტრიალებს, იტრიალებს და წევა.

ხატოს ერთი კი გუუჭიხდა\* თვალეხი სიხარულისგან,მარა ისვენ ჩუუქრა უცბათად ცეცხლი.-„ვადთუ,ჰადმენ გედემჩეხა ამ ყიამეთში ან დათვი წამეწია,მაშინ რანნა იქნას,ხომ დედუჰა ამ ზავალი ჩემი გულისთვინ?“-დაფიქრდა გოგო და ხმამაღლა უთხრა:

-არა,მასე არ იზამს,მეცნა წამოვდე!მაშინვე წამეძწია ზეზე და ის იყო,ფეხი დაადგა ძირში რომ იმფერი ყიამეთი ხმით დედყვირა,შემფრთხალ შველივით გაქანდა გულად.კიდვენ კად,ხელი წაშველა ციცას,თვარა პირდაპირ სობაზე დეეშხვერთებოდა\* მოწეწილი. გოგო რაცხაფერ უკან მიაწვინა მარა, ფეხზე მოხვევლი ნაჭრებიდან იმფრათ ითქრიალა სისხლმა,რომ კინაღამ გული წუუვდა გულას.. -,არნა ამდგარიყო ამ დასაქორებელი\* ფეხზე!-ჰადდან გედემეკიდა ჩემს საბელაოდ? ჯერ დედემისმა\* ამომიყვანა სული ყიამეში,მერე ამან.ამისთვინ რაფერნა წაასაკლო თავი კაცმა და გარში გეხვიდე ამფერ ყიამეთში?“-გაბრაზებული ფიქრობდა ბაღანა და ზურგ უკან ნერვებზე აყოლილი თითებს იფშვნეტდა.-„შეეჭამა ნეტად დათვს, ძვალიც კი არ დარჩებოდა ამისგან...არა,აგინა დარჩეს ამ სითბოში და მენა ვეყუდო ღობე-ყორეში?თუ ცოცხლათად ჩევდე სოფელში,ხომ კად,მარა, მერე რაფერნა დააჯერო ი ამოსაგდეხი ხოჯა,რომ კადს მეტი რამე არ გიგიკეთებია მისი გაწრიპული ქალაქელი ბადიშისთვინ?ვინმე იმერი მაინც ყოფილიყო მის ადგილზე,რომ თავის წახდენა\* არ შებრალებოდა კაცს...“ დერდობდა მისთათვინად გულად და ბუჯალში მიმწყვდეული თავგვივით ეხეთქებოდა იქეთ-აქეთ.

- ჰადმენ-არსად;
- სექვი-ტახტის მაგვარი;
- ნაქილისევი-ნაეკლესიარი;
- სასრიპინო-სასრილო;
- დელი-დულაღ-ცელქი;
- გამშპარიყო ქეიფში-ფიგ.გამ. გაერთო და ა.შ.;
- ჩაფუნჩხილი-ჩაყრილი;

გაჯინჯიხებული-არც ცხელი და არც გრილი...აქ გაგრილებული;  
საფშაკუნოდ-უმედეგოდ მუშაკობა;  
ჰავლი-დერეფანი;  
სანარწყალი-ბოსლის იატაკის შუა ნაწილი,სადაც გროვდება პირუტყვის განავალი.  
მეძღუნკა-მოიხარა;  
დაილა-საზაფხულო ქოხი მთის იალაღებზე;  
ზოვლი-მოხერხებული;  
ჩინგნობა-სიჩელქე;  
ყიბლე-სამხრეთით(თურქ);  
სობა-ღუმელი;  
ზავალი-საცოდავი;  
სერსემი-გიჟი;  
ხობო-ხბო;  
დაბეჩებული-შეშინებულივით;  
აჯელის ყრა-შურისძიება;  
უსულით-ფრთხილად;  
გაწრეპილი-გამხდარი;  
გაფშეკილი-გაყინული;  
ქეჭელა-ქალის სახელი(აჭარულად ქვია ლამაზს);  
ნახიზმეტარი-ნამუშაკარი.  
ყიამეთში-ცუდ ამინდში;  
წარაკვა-ენამწარე,აუტანელი და მისთ.;  
ტაბასტა-სისხლდენა;  
ზავალს-აქ საცოდავს;  
ტალდა-საფასადო მხარეს პატარა გადახურული;  
უსულით-ფრთხილად;  
სობით-ღუმელით(თურქ.);  
იწირეხებოდა-იკრუნჩხებოდა;  
ტაბასტა-სისხლდენა;  
თორბა-ფქვილის ტომარა;  
აყელვა-ვაკეზე გასვლა,აღმართისგან თავის დაღწევა;  
ბელაში გაბმა-ფიგ.გამ.პრობლემებში ჩავარდნა და ა.შ.;  
წუყურა-დადუმდა;  
პაწაზე-მცირედით;  
აფურთნილი-აფორიაქებული;  
რაცხაფერნა-როგორღაც;  
ახალალობა-ახალგაზრდობა,სიყრმე;  
თავანქვემ-ჭერქვემ;  
ალაჲ-მალაჲ-მთლად,სავსებით,სულ და ა.შ.;  
უფუნგა-აუწეწა;  
გუუჭიხდა-გაუბრწყინდა;  
დეეშვერთებოდა-დაეცემოდა;  
დასაქორებელი-დასაბრმავებელი\*  
დედემისი-ბაბუამისი;  
სული ამომიყვანა ყიაში-ფიგ.გამ.თავი მომაბეზრა;  
თავის წახდენა-თავის გაფუჭება;

## რ ე ჯ ე ბ ა ლ ა

ბოლოს მაინც წასლა დააპირა.ჩეცვა და ის იყო,გარეთნა გესულიყო,რომ კარეთან ფეხების ბრაგა-ბრუგი შემეყურა.ციცა იმფერი დაფრთხა,დიდვან-დიდვანი კურცხლები გადმოყარა თვალეზიდან.ალბათ ეგონა დათვი მოგვადგაო კარზე... გულას კი თვალ-პირი უცბათაი ამუუსინათდა,მიხტა, ვინც იქნებოდა გარეთ და კარებს ეძგერა.კარში დაღლილი დედე იდგა კომბალადთ ხელში.ბერი შევდა გამთბარ წისქვილში და ის იყო,დაღლილი სექვზენა წამოგორებულიყო, რომ კინალამ თავიდუდზე\* უუშპა თვალეზი.კარქა დააკვირდა ციცას და როდცხა ტაბასტიან ფეხს მოკრა თვალი,ჩქარ-ჩქარა მედძრო ბაშლული\* და გულას იჭვიანი თვალეზით დეებუცა\*.

-ვისია ამ ციცაი?-იკითხა რეჯეზალამ და თან ჯორკო მიიჩოჩა ბაღნისკენ.

-ხოჯა ევენდის ბადიშია,დედე. ქალაქელი ციცაი რომ იყო ამ ზაფხულ თაზე\* ამოსული,ხომ გახსოვს?ა,ის.-უთხრა გაბღეზებული\* ხმით ბაღანამ და ნამეტნავად გონჯად შუუბღვირა სექვზე წამომწოლილს,რათა მიმხტარიყო ი ვირიგაგდებული\* ,რომ ჯერ კიდევ ახსოვდა მისი ბრექვა\* და ავენვანობა\*.

გულაას თვალწინ გეზინა უცბათაი იმ დღემ,ამ ძუნკალი\* ციცაი რომ ამეყუდა სოფელში. ვითომ ხოჯის ბადიში ერქვა,არადა იმფერი ახტაჯანად ვინცხა იყო, სოფლის ბიჭებ გუუსწრა იბრეთების კეთებაში. ჯერ იყოდა,-„ნარებში მენდილი დაგვარგეო“- და ქალაქელ ციცაზე დახიზმეთებული ყაზირლები ბეჩებვიით\* დეეფუთენ ყირმიზ მანდილს,რომელიც სკიდან მიწაზე გადმოგორებულ ფუტკრის ხუხულაზე წეეფარებია განგებად...იმ დღეს იმფერ დღეში ჩავარდენ ბიჭები,რომ მეორე\* დღეს ვინმემ ვეღარ გამემზიგულა\* გარეთ, იმფრათ ქონდენ სახე გაკაიპებული ფუტკრებისგან დანესტრილებს.ეს ამბავი გუუტარეს და მერმენ\* ხოჯის ეზოქვეშ ქორწილისთვინ გამოწკიპულ ბიჭებს,ზედდან ქიბილის თორბა გადააფერთხა თავზე. აგი არ აკმარა და გზაზე,ჰაცხან ქორწილისკენ მიმავალ ბიჭებსნა გეეველენ,ურმის გორძლოდდან\* ამოღებული ფუნით\* მოსვარა ყოლიმფერი; ვინმეს რომ ვერ შეემჩნია ფეხის ჩაბიჯებამდე,ზედდან ნაცარად და ბალახ-ბულახადც მიმოაპნია ლამაზად...ამ,რა იყო?ამ ციცამ იმფერები აკეთა ამ ზაფხულ,რომ დუნიაზე სახელ გავარდნილმა ჩინგანმა,ჩვენმა გულამაც მოკაკვა თითი.

იხსენებდა ყოლიმფერს ბაღანა და აჯელისყრის იშტალით შეპყრობილს\* ვერ მეეფიქრებია რანნა ეზამა.\*

რეჯეზალამ ცალითვალით გადახედა ბადიშს და მისი გამწარებული სიფათი რომ დედნახა,მიხტა,რაზე ბდღვინავდა ბაღანა.მარა, ახლა ამის დრო არ იყო და გულას ცხელი წყლის მოტანა უბრძანა.ბაღანამ სობიდან გადმოდგა გუგუმი\* და ბერს დუუდგა ფეხებთან.დედემ თავანში გამოკოჭვილი თორბა ჩამოხსნა და იქიდან ამორჩეულ ბალახ-ბულახი მოკალულ სინზე დაყარა და ზედდან მდულარე წყალი დაასხა.სანამ ბალახი გაჯინჯიხდებოდა,ხელები დეებანა და ციცას ფეხზე შეხვეველი შეხსნა.ჭრილობამ ძალვან დააჯა მოხუცი და ჩქარ-ჩქარა დეიწყო მისი გასუფთავება. მერე გაჯინჯიხებული ბალახიანი წყალით ჩამობანა ფეხი და სანამ ჯერ კიდევ თიბილი იყო ბალახები,ზედდან დაადგა,ჩქარ-ჩქარა შეახვია და ღაზლის წინდა წამოაცვა.ხატოს პაწა კი ეტკინა,მარა ცოტა ხანში გუუარა ტკივილმა და თანდათან ჩათლიმა.

ციცას რომ დეეძინა,მერე კითხა მისი ხებერი დედემ ბადიშს.უსმენდა ბაღანას ბერი და გულზე ძალივით\* ედებოდა ბაღნის მონაყოლი.-„რაფერ გემეზარდა ბაღანა,არც რომ არ წამოვსულიყავ და ამფერ ზორში\* დემეტია მისთათვინაი ზავალი. უყურე ერთი ამ ცხვირმუუხოცველს,რაფერ სწორად უფიქრია და წინ-წინ გუუყურია\*.

მართლა, რანნა მექნა მერე,აქ რომ ერთად დარჩენილიყვენ,ხომ წუუხსნიდა თავს მემლექეთი სალაპარიკოს და მერე რასნა დეებსო იმათი ყია?\*.არადა,იმხელვანი რომ ყოფილიყვენ,გელინად

დემესვა,კიდევ რა მიჭირდა,ამაზე კაქრ გვარიშვილს და ლამაზ ციცას დუნიაზე ვერ მეიძევდა კაცი,მარა აგენი ჯერ ნამეტნავად პაწვანები იყვენ ამ საქმისთვის.არანდარა,რომ არ მემესწრო და ამ ყიამეთში სოფლისკენ წამოსულიყო ბალანა,ხომ დევლუპვიდი თავს?“ - იმის წამოდგენაზეც კი გააზორზოლა\* ბერს,ახლა რაფერ დღეში იქნებოდა მისი ერთი კაკალა ბადიში დათვების და მგლების შემყურე დაკიდულ ტყე-ღრეში...

-გულავ,დიმიყურე ბაბი!-უთხრა ბალანას დედემ და ციცასკენ გააპარა ცალი თვალი,ხომ არ მისმენსო.-აი,ბალანა ნამენტავად დიდ ზორშია,თუ ახლავენ არ წევყვამთ სოფელში,დილამდე შედძლება ველარც გაატანოს;შრატშინა იშუშვოს ამან ფეხი,პაწად რომ გამოკეთდეს,მერე ბებიაშენის გაკეთებულ წამალს მიცემთ მის პატრონს და მალე მოკეთდება... გევჭირვოთნა და რაცხაფერ სოფელში და წევდეთ ახლავენ.

ბადიშმა ერთი კი შეხედა დაყლუპილი\* თვალებით დედეს,მარა მიხდა,რომ ბერი არ ცდებოდა და სიტყვა აღარ შუუბრუნა.მარტო ის კითხა,-„რაფერნა წევყვანოთო“.დედემ რამე არ უპასუხა და ძლივს-ძლივობით ფეხზე წამოდგა.მუხლი გამართა და წისქვილიდან სიტყვის უთქმელი გევდა.ცოტა ხანში გულას თავნიდან ფხაკუნს შემეესმა.დედემ წისქვილში თივის გოგორა\* შემოათრია და ბადიშს უთხრა:

-სანამ მე ღარიდან წყალს გადავავდებ,შენ ქიბილი ჯვალოში ჩაყარე,რომ სანამ მაგის წასაღებად ამოვალთ,თავმა არ ირბინოს ზედდან.

-აჲ მარხილი რათ გინდა დედევ,აჲ გომბიო\* ხომ არნა მათრევიო ამ ტყე-ღრეში?- ბერმა წედყრუვა ბალნის ნათქვავი და წისქვილიდან გევდა.-„ამის თრევას შეშა ვათრიო ტყიდან ის მირჩვენია,სობას მაინც შუუგრძნებს კაცი“-ციცას გასაგონად ხმამაღლა თქვა გულამ,თვარა\*,აბა,გარეთ იმფერი ყიამეთი იყო,ყურშიც რომ ჩეეყვირა ბერისთვის,მაინც ვერ გააგონებდა ახლა...

ბერის ამოსლამდე მოამცრია ჯვალოში ასტამით ქიბილი ბალანამ და დიდი წვალებით თავანში გამოვიდა,მერე წისქვილის ჯარას თავზე გაახურა თავვი რომ არ ჩავარდნილიყო შიან და დიდი კაცივით დოინჯი შემედყარა წელზე.ციცას გახედა და მერე კედელზე აყუდებული გოგორა წამოაქცია ძირში.ქვედან საბელები ამოაბა და თავანიდან ჩამოყრილი თივა კარქა ბლომად დაადვა ზედდან .ამასობაში ბერის შემოვდა ოდაში.ხელები წეითბო სობაზე და მერე იქიდან მაშით ნაკვერჩხლები გადმოყარა.თუნუქის ნაჭერზე დაყრილი ნაცეცხლური კარში გედტანა და რაფერს „ლაზარობიას“ დროს აკეთებდა მისი ხანუმი,გარეთ გადაყარა და თან მიადახა:

„-ლაზარიი მუადგა კარსა,  
აღარღალეზს თავსა...  
ეხვეწება ღმერთსა:  
-ღმერთო,მოგვე ზე და თვარე,  
შიგვინახე წვიმა-წყალი“

უკან შემობრუნებული ციცასთან ახლო მივდა და შუბზე ხელი დაადვა. ეტყობოდა,რომ მალე ხურვებანა\* დაწყებოდა ბალანაც და ჩქარ-ჩქარა გააღვიძა. უსულით\* ჯორკოზე გადმოაჯდუმლა\* და ბადიშს ქვეშაგებების თივაზე დაფენა უბრძანა. გულამ დედემს ნათქვამი რომ გააკეთა,მერე ციცამ უსულით დააწვინეს, ზედდან ლამაზად დააბურეს და კარქა მიაკოჭეს საბელებით გოგორაზე. ბიჭმა გოგორა კარებისკენ გაათრია და ტალდაში გედტანა. დედემ კი დიდი კვარი გამოამო თავანიდან და ცეცხლი მუუკიდა,მერე მაგრად მიბიქსა\* კარი და გოგორაას საბელი წელზე გამეძბა.გულამ უკნიდან ჩუუდგა და რაცხა ძალი და ღონე ქონდა,ზედთკენ მიაწვა.

ბაშლული-ყაბალახი.  
დეებუცა-დააკვირდა;  
ვირიგაგდებული-სალანძლავი მიმართვა;  
გაბღეზებული-გაბრაზებული;  
თაზე-საზაფხულო იალაღებზე ყოფნის დრო აჭარაში;  
ბრეეკვა-ამპარტავნობა;  
ავენვანობა-ავ ენიანობა;  
ზუნკალი-სალანძლავი სიტყვა;  
დახიზმეთებული-დასაქმებული ანუ ამით დაკავებული;  
ყაზირალი-ახალგაზრდა ბიჭები;  
ბეჩებივით-აბღღებივით;  
მევრე-მეორე;  
გამომზიგულება-მზეზე გამოსვლა;  
მერმენ-შემდგომში;  
მისტვინ-მისტვის;  
გამოწვიპულ-აქ ჩაცმულ-დახურულ;  
გორძლო-ურემზე დასადგმელი ზარი,რომლითაც ჩვეულებრივ ნეხვი გადააქვთ ყანაში.  
ფუნა-ნეხვი\*;  
აჯელისყრის იმტალით შეპყრობილი-შურისძიების მოშურნე(თურქ.);  
ეზამა-ექნა;  
გუგუმი-სპილენძის ჭურწქელი;  
დალი-აწარული კარაქი;  
ზორში\*-გაჭირვებაში;  
გუუყურია-გაუხედავს;  
დეებსო ყია-აევსო ყელი ანუ გაეჩუმებინა;  
მეიმევდა-იპოვიდა;  
გააზორზოლა-გააკანკალა;  
დაყლეპილი-გაფართოებული;  
გოგორა-მარხილი;  
გომბიო-გოგო დამცირებით;  
თვარა-თორემ;  
ხურვება-ციებ-ცხელება;  
უსულით-ფრთხილად;  
გადმოაჯდუმლა-გადმოსვა;  
მიბიქსა-მიხურა;

## ქ ი ლ ი ს ე

რეჯებალამ მოკლეედან წასლას ზედდან მოვლა არჩია.ქვეედან რომ დელე-დელე წესულიყვენ,კი მივდოდენ მალე,მარა იმფერი იბრეთი კილდეები და გეარენ რომ, ამფერ ქარბუქში არ უშანდა შედთანს თვალი\* და ჰად გადაყრიდა ბაღან-ბუღნიანა ღმერთმა არ იცოდა.ზეედან კი ქილისემს ეზოში ევდოდა და იქიდან დეეეშვებოდა დაბლისკენ.დაბლიკენ დაშვებას,თუნდაც იმფერ გასრიპინებულზე არ ჩივოდა ბერი,რაფერც ამ გოგორაას ათრევას ქილისემდე.აქედან თოვლი უბაწრავდა გზას, იქედან ქარიშხალი.თან ისე ბნელოდა,ად კვარი რომ ჩამქრალიყო უცბათად, თვალთან მიტანილ თითს ვერ დედნახავდა კაცი.

აღმართი რომ ამედეგელს\* ნამკვიდრში წამოგორდენ დადლილები.გულამ მიმოავლო თვალი ქილისეჲს ალიგს\* და დედეს დეიკითხა:

-ბევჯელ მინდოდა მეკითხნა,მარა ვერ გიბედავდი.ახლა კი აგზენ ვართ და გკითხონა:როდცხა სოფლიდან ქილისეჲსკენ ვიბუცვი\*,მეჩვენება,რომ ად ალიგი ღამეშიც გამობანებულია\*.ასე რაზე ხდება დედევ?

ბაღანას კითხვა მჯილივით მოხდა გულზე ბერს და აჯილი\* შეყარა.მერე თანდათან სიმწრით ჩამარხული დერდები უუფუნგა გულში და სიმწრისგან დაწირება.მაღვან ძნელი იყო ახლა მისთვის ამაზე ლაპარაკი.არანდარა, მოტყვილებას ღმერთი არ აპატიებდა ქილისეჲს ეზოში ბადიშის წინაშე დაყუდებულ ბერს.რამე არ უთქმია,ისე დუუგდო ყური გულში დერდებივით აბურხალეზულ ქარს და ცრემლიანი თვალებით მიაშტერდა ქილისეჲს ეზოში კენჭებივით მიმოზნეულ გორხულო ქვიებს.უცბათად ალაპარაკდა ბერი:

- ჩემი დიდნენე იტყოდა: თათრები რომ შემოსევია ჩვენ სოფელს, პირველად აგზენ ამოსულან.რამედო რომ ვერ გამკლავებიან ქილისეჲს კედლებს, სამების გორაზე ესულან და იქ დუუწყიან კილდეების მტრევა.ზედდან დაგორებული ლოდებიტნა დეენგიენ ქილისე თურმე.ბევრი უწვალთან,მარა იმდენი თათარი მუყოლია ზედდან დაგორებულ ქვიებს,რომ ბოლოს თავი დუუნებებიან.მარა იცი რა ყოფილა ყველაზე საკვირველი? ამდენი დაგორებული ქორხულო ქვიებიდან არც ერთი დაჯახებია თურმე ქილისეჲს,არანდარა,ერთიც საკმარისი იქნებოდა ძველი კედლების დასანგრევად. იმ ღამეს იმფერი გამობანებული ყოფილა ქილისეჲს ალეგი,რომ ხალხს შეშინებია,ცეცხლი ხომ არ წუჟკიდესო იქავრობას.თათრები რომ წესულან, მტელი სოფელი ამომსკდარა აქეთკენ და კედელგუუქანებელი ქილისე რომ დუუნახიან,კაციან-ქალიანა დავარდნილა მუხლებზე და მთელი დღე უტირიან აგზენ.მას მერე ბევრი დრო გევდა.ჩვენებიდან ვინმე აღარ დარჩა ქილისეჲში ამომსლელი და მომლოცველი,მარა ერთი ადეთი მაინც შევტიეთ და თუ ვინმე არ გვიყურებს, გორხულო ქვიების წინ ვიმუხლვით და უბეში გადანახულ სანთლებს ვანთებთ ძველებივით...

ბერის მონაყოლს გულისყურით უსმენდა გოგორაზე მიკოჭვილი ხოჯის ბადიში და გულში იცრემლებოდა. ბევრჯელ წამუჟკრია ყური მისი დედეს მონაყოლისთვის ხატოსაც. კარქა ახსოვდა ბაღანას ის დღე,როცა არ მეშვა ხოჯას და კისერზე დაკიდული თხოვდა:- „იმისენ,ხატოდ რაზე დამარქვიო...“ რამედო რომ ვერ მუყცილებია ბაღანა დედეს,კისერზე შემუუსმია და ვინმეს რომ არ დეენახა,გაღმა მხრიდან ამუყყანია ამ ეზოში.-„აგზენ დიმიცაო!“-უთქმია ბაღანისთვის და ქილისეჲს უკნიდან დამალული კილტე მუუტანია.დიდხანს უჯახირია თურმე ჩაქანგვილი ბოყვის\* გასახსნელად და ბოლოს მაინც გუუხსნია.შესასლელში მუხლი მუყყრია,ხელით გულმკერდზე რაცხაები მისთავინაჲ მუუხატვია და მიწაზე შუბლმიდებული,დაყუყვილი\* გაჩერებულა პაწა ხანს.მერე ფეხზე წამომდგარა, ქალამნები წუუხდია და ბაღანის ერთად შიან შესულა.ახლაც ახსოვს ხატოს,რაფერ გადმოკარკლა დედემისმა ქილისეჲში ცრემლები...მერე ბაღანა უუწევია ხელში და კედელზე მიხატული ღამაზი ქალისწინ დუუყენებია.დიდხანს მდგარან ასე...მერე დედეს უთქმია:-„ ამ ხატივით ღამაზი გაქ თვალები და იმიტომ დაგარქვი ხატოაო“. -მეტი რამენ აღარ უთქმია.ფეხაკრეფით გამოსულან უკან და ისევ საგულდაგულოდ მუუკეტიან ქილისეჲს კარები.-„ად ამბავი ვინმეს არნა მუყყევო.“- წუუჩურჩულა ბაღანას თურმე ბერმა და ალთუნვიტ\*კუულულებზე მიეფერა.- „არაო!“- დაპირებია ისიც...სახში ჩასლამდე ჩაძინებია ბაღანას და როდცხა გამოღვიძებია,მარტო შუუმწყრევია დედედ და ყურში უთქმია:-„კიდვენ ხომ წიმიყვან მერეო?“- „ყველაფერი დეგესიზმრავო“, - უთქმია მაშინ დედეს და ბაღანასაც დუუჯერია .აქამდე ჯეროდა თურმე... ახლა კი მიხდა,რომ ყველაფერი ნამდვილად მოხტა და იმფერი გახარებია, რომ ფეხის ტკივილი სულ მთლად დავიწყებია ზავალს...

ქილისე დვიბელს\* ალაგზენ იყო აშენებული და აქ რომ ამფრად იქცეოდა დუნია,ქვიითკენ რა ხდებოდა,მისთათვინადცნა მიმხდარიყო კაცი.ის იყო წასლა დააპირეს,რომ ქარმა ნამკვიდან ბლომად ბირტყი\* ჩამობერტყა და ზედდან დააყარა გაკოჭვილ ციცას.გულას

შეეშინდა არ გედგოდოსო ხოჯის ბადიში და გოგორასთან დეიმუხლა.ჩქარ-ჩქარა გუდუყყარა სახიდან თოვლი და ის იყო, სახეზე მიეცაცუნა უცბათაჲ, რომ იმფერმა ხორშაკმა\* დუყარა ნამსხვანში\* , გლიშამ\* ყოლიმფერი გუუნათა ყაზირალს. მუგუზალივით უჭიხდა თვალეზი გოგოს.იმფერი ლამაზი სახე-პირი მუუჩანდა კვარიშუქზე,რომ ტირილი მუუნდა გულას...მისხალაჲ ხანი გესულიყო მას მერე,რაც ზედან დაყუდებული დაბუცებოდა ციცას და ეგონა ასი წელი აგზენ ვდგავარო.ჭკვაყრილი იდგა მუხლებზე და ნასობარივით უხურდა ციცაჲს ლოყებზე მიცაცუნებული თითები... -„აბა,დევმარითო!“-დეფახა დედემ და გოგორა მოქაჩა.ვითომ ხელებიდან აართვეს ხატომ,იმფერად დეეწვა ჯიგარი ბაღნას და სიმწრისგან ამედღმუვლა. მარა,კიდვენ კად,ამ ყიამეთში ვინმემ ვერ შედყურა მისი ბლორინი...

ქილისეჲს დაღმართზე ნამვზე მიაზა საბელი რეჯებალამ და ხოხვა-ხოხვით დუყყა დაღმართს.ზურგით აკავებდა ბერი გოგორას და ისე მიყავდა ბაღნები. რაცხაფერ იყო ჩათავეს აჲ დასაწვაჲ აღმართი და გუუყვენ სოფლის გზას.წელზე თოვლს მიწარბავდა\* ბერი და ბუკათაჲ\* მიბაჯბაჯებდა. ხოჯის სახლი ცოტა გაღმაში იყო და ამიტომაც ედლო გეზი მისი სახლისკენ.ყადიოღლი დაუთამს სარკმელში გვიანი ჭრაქი დედნახა რეჯებალამ და დაუთამს დუუზახა.დაუთამ იმწამალაჲ\* გამედხედა და რაცხაფერ მოაღწია ამათამდე.რეჯებალამ ხოჯისთვინ ამბის მიტანა დაავალა და ჩქარ-ჩქარა გუუყვა სახლისკენ.მაინც მის ხანუმსნა ეაქიმა ამ ციცაჲსთვინ, თვარა,დაუთასთნაც შეიძლებოდა ავადყოფის მიყვანა.

- არ უშანდა შედთანს თვალი-ფიგ.გამონათქ. არავინ უწყოდა,სად დაეგო ეშმაკს მახე;
- ამედყელეს- აათავეს;
- ალიგი\*-ალაგი;
- ვიბუცვი-დაკვირვებით ვიყურები;
- გამობაინებულია-გამონათებულია;
- აჯიღი-ჯავრი,მწუხარება;
- გორხულო ქვიები-დიდი ქვეები,ლოდები.
- ბოყვი-ბოქლომი,კლიტე;
- ალთუნი-ოქრო(თურქ.);
- დაყუყვილი-მუხლმოყრილი;
- დვიბე-მთის ხეობიანი ფერდი,რომელსაც ქარი არ უდგება;
- ბირტყი-ხიდან ჩამოცვენილი თოვლის ფიფქი;
- ხორშაკი-თბილი ქარი;
- ნამსხვანი-სხეული;
- გლიშამ-ირგვლივ;
- წაღმართი-ვაკე,სწორი ადგილი;
- მიწარბავდა-კვალავდა;
- ბუკათაჲ-ზმნზ.უთხილამუროდ სიარული;
- იმწამალაჲ-მაშინვე;

## სოფელი

იმ ყიამეთი ღამის მერე ბევრმა წყალმა ჩამედარა.

ხენიფე ხანუმის ბალახ-ბულახითა და ხოჯის ლოცვა-შედუმანებით ციცამ მალე მეიხედა თვალში. დუნია\* მომკიტხველი ყავდა ხოჯის ბადიშს,მარა იმათგან ცოტას თუ ეჯერა უწვერ-ულვაშო ბლაშტის\*ამფერი ნამოქმედარი. სხვებმა თუ არა, ხოჯამ ხომ მაინც იცოდა, რა უვარგისი და ეშმაკზე წინ გამშპარი\* იყო ეს ხაშარივით აყრილი ბაგანა. მარა, მადლობის თქმის მეტი რა დარჩენოდა ხოჯას და ისიც ღმერთსა და რეჯებალას ერთად ადიდებდა თავანისკენ\* ხელეზ აწეწილი.

ეს ციცამ ყველა ბადიშში გამორჩეული ყავდა ხოჯას,რადგან მისი სიბერის გარგნის\* ერთადერთი ბაღანა იყო იგი.ჯანოღს ხეზრის დღემდე არაფერი იცოდა ხოჯამ.ქორწილიდან რამდენიმე თვეში წესულა თურქეთისკენ გზის გასაკვალად ზავალი\*და უკან აღარ დაბრუნებულა.ჰადმედდან არ მოსულა ავის თუ კარგის ამბავი.გელინმა რომ ბაღვი\* იშვა, მუშუმს წვებამდე აცალეს და მერმენ ისე წედყვანეს ქალი მისიანებმა ,რომ ვინმემსთვინ რამე არ უკითხიან.გაგულისებული ხოჯა დიდხანს არ ანახვებდა დედას ბაღანას მარა,მას მერე,რაც ის ქალი ქალაქში გათხოვდა და იქავრი დიდი ხოჯის გელინი გახდა,ბაღნის ნახვა ვეღარ დუშმალა ალაჰის შიშით.

ქალმა რომ ბაღნის ნახვას პაწად მუუხშირა,ამით შეწუხებულმა კაცისიანებმა\*დიდი ამალით ამოაკითხეს ხოჯა ეფენდის და ციცამს დედასთან ერთად ქალაქში გაშვება თხვეს.ბევრი იფიქრა ხოჯამ და მიხტა, რომ უმამო ციცამსთვინ უდედობის დამატება არ იყო კად საქმე,თან იქ უფრო მეტს დედნახავდა და დემსტავლიდა ბაღვი.ჰოდა რაცხაფერ გეჭირვა და უბიძირში უსულით\* გამომრდილი ბაღვი ქალაქისკენ გემსტუმრა.

ქალაქში რომ წედყვანეს ციცამ,მაშინ სამი-ოთხი წლისა იყო.ყოველ ზაფხულ ამოყავდენ გაღმა სოფელში მცხოვრებ ტადაებს\* ბაღანა მამის ოჯახში.ამ წელიწადს კი ხოჯის დაჟინებული თხოვნით დატიეს ციცამ სოფელში.აბა რანნა ექნა კაცს,როდცხა მისი თვალი კაკლებით ხედვიდა თუ რაფრათ აცუნდრუკებულიყო მისი ჯანოღს ერთი კაკალად ბაღანა.უცბათად რომ სახლში დაბრუნებულიყო მისი ბიჭი და ამფერი ქალაბიჭად გოგო დეენახა,მერე რაფერნა გეესწორებია შვილისთინ თვალი?რაფერნა ეეხსნა რომ ერთი ბლაშტი ვერ გიგიზარდე შენი საკადრისიო.თან ნაგელინვარს უკვე მისი იქავრი კირკლები\* ყავდა შემოხვევლი და ეშინოდა კაცს,ვად,თუ თვალი ან ხელი მიაკდეს ჩემს ციცასო...

მარა,,ყეზას თვალი არ უჩანსო”ამა ქვია ზუსტად.აგზენ ამოყვანილი ბაღნიდან კინაღამ არ დედბანა ხელი კაცმა?ეხ,გელინის ცოდვამ მიწიაო იფიქრა ხოჯამ და გამოზაფხულელებულზე მისი ხელით ჩუუყვანა ციცამ დედამისს და ბაღანასთან ერთად სულის თან დუუტია.

\* \* \*

ეს ამბავი მალე დედვიწყა სოფელმა.

გუნდრუცით\* მიზოზინებდა დღეეები.

სოფლელებს ამ დუხჭირ დროში რა გამუულევდა საფიქრალსა და სახიზმეთარს. ამას ისიც ემატებოდა რომ ხალხი ორ წყალს შუა იდგა.ვერ გეედეწყვიტენ მუხაჯირობისას სხვების ჭკვას აყოლოდნენ და კაი ცხოვრების მეზნაში თურქეთისკენ აყრილიყვენ თუ რუსების იმედით აქ დარჩენილიყვენ...ვინცხად ადგა და წევდა,ბევრმა თავი წააგო,მარა არც აქ დარჩენილები იყვენ კად დღეში.იმფერები, ვინცხას პაწად ჭკვა მეეკითხებოდა, ცოცხალი თავით არ უნდოდენ თურქეთში წასლა.რუსების ჩუმათად ღამ-ღამობით აქა- იქ მეიკუჭკებოდნენ\* და ფიშმანობდნენ\*. ზოგი ამბობდა რომ ,,ძლივად გევმართევით წელში და დევხსენით თავი და ახლა რაფერნა ადგე კაცი და უკან დუუბრუნდე თურქებსო?ამდენი წლის მერე ხალხმა პაწაი თვალში მეიხედა,კაცს

სახეზე ღიმილი დეეტყო იმდენი გამოლომპრველი\* ჟამის მერეო.”,მარა იქვე მეორე თლიდა\*რუსების მიერ შეწერილ გადასახადებს,რომელიც კინალამ მოსავალზე მეტი იყო პაწაა თუ არა.ისევ თავის იმედიდა ქონებოდენ მარა, ცარიელი ხელით და მუცლით რანნა ექნენ და რაფერ,ეს ვერ გედევწვიტენ.ყველამ იცოდა,რომ ვერც რუსის და მითუმეტეს,ვერც თურქის ხელში კაი დღე არ დაათენდებოდათ, მარა მაინც ამ ორს შორის არჩევდნენ მტყუან-მართალს,რადგან მათ თავიბაშს,დედა სამშობლოდს დიდვან კაცებს მათთვის ვერ მიეხედათ და აგენისთვის რანნა ექნენ ნეტად?

ამდენ ფიშმანში და დერდში ბევრი ოჯახი ეყარა სოფლიდან და წევდა მუუსლელში. არც იგენს მოსწრიან კაი დღე,ვინცხამაც აქ დარჩენა გადაწყვიტაამ ოკო-ბოკო\* ყოფაში ზოგი იმფრათ დეიფსო,რომ მის ნასახლარზე ნარი აყვავილდა,ზოგი კი ისე მეერგო დუნიას რომ უცბათაა ორკარაა\* გახდა.ბევრჯერ აბურხალა ბედმა აღმა-დაღმა ხალხი და ბოლოს მისთათვინაა დაკერწხდა\* ყოლიმფერი. ამდენმა ჯახირმა ზოგს სიმწრით დაახჩემვია\* კბილები,ზოგს კი სიბეჩით და ასე არბენია დუნიაზე.

გულზე ციციელდაცემული\* ხალხი მაინც იდგა შვაგაყოფილ ცხემლასავით და აგრძელებდა ჭიჭვეტაა\* ცხოვრების ჭიტინაში ბუცვას...\*

ამ ყიამეთში რეჯებალაა,ყადიოღლი დაუთაა, ხოჯა ეფენდი და კიდვენ რამდენიმე შეძლებული ოჯახი სოფელში დუშმნის ჯინაზე იჭიპრვოდენ და ძველებურად გაქონდენ თავი.ხოჯის ბადიში იმ ზამთრის მერე სოფელში აღარ დაბრუნებულა, რეჯებალაა გულაა კი სოფელში ამოსულ ნაკითხ კაცებს ეეკიდა და სასტავლებლად გიმნაზიაში წევდა.რეჯებალაა და ხოჯა ეფენდი წელიწადში ორჯერ მიდიოდნენ ქვედთკენ ბადიშებზე თვალის გადასავლებლად.იმ ზამთრის მერე,რაც გულამ ხოჯის ბადიში სიკდილს აართვა ხელებიდან,ხუთი წელი გასულიყო.ბიჭი წელს სტავლას ამთავრებდა და რეჯებალაად, ამით გახარებული ალაგს ვერ იძევდა\* მისთინ.

მარიამობის შვა რიცხვებში ამეყუდა ჭკვით და წლებით დამძიმებული გულაა სოფელში.ჭიშკარზე მოყუდებული ბაღანა კინალამ ვერ იცნო ნენემისმა\*. იმფერი აყრილიყო ტანში,რომ გეგონებოდა ძველებურად ხის ჯოხებზეა დაკვაჭული და ისე იარებო.მხრებში და კინჩხში\* ისე გასქელებულიყო,რომ არა ძველებურად კერატანაა\* თვალი კაკლები,ინსანს\* მისი ცნობა გუუჭირდებოდა.დიდხანს იხუტა ნენემ მისი ძიძგვაა\* გულში და ჩუმ-ჩუმალაა ყლაპა ცრემლები.მხარში გაშლილი რეჯებალაა ისე იდგა მუხიძირში,ვითომ მასზე დიდი და ძლიერი ვინმე აღარ დარჩელინიყო დუნიაზე.

ქალაქურ ხიზმეთებს\* შეჩვეულ გულას მის ძველ მინდარივით\* მოკლე და მუუხერხებელი გამუუჩნდა ძველი ოდა.მთელი ღამე ფიშმანობდა მუხლებში მოკუნკვილი,რაფერ ეთქვა დედემსთვის, რომ ეს ძველი ფაცხა დეენგრიენ და ახალი ჯარგვალი\* დედგენ ძველის ალაგზე. ფიქრებში დაღლილს იმფერი ჩაძინებოდა, რომ ვერ შეეტყო რაფერ გათენებული.

-ხენიფე ხანუმ,კიდვენ ძინავს შენს ქალაქელ ბადიშს?-დედემს ზახილი შეემეესმა გულას.-ხომ ვამბობდი,ჰიჩ\* წევა ხელიდან მეთქი ბაღანა და არ გეყურებოდენ არცერთს. ჰა,უცაა ახლა როდსნა ადგეს, რომ დეელაპარიკო კაცი.

ბაღანა იმწამალაა წამოხტა ლოგინიდან,ფეხზე ყერევლაა\* ჩამეძხატა და მივდა ლალუბაში\* პირზე წყლის შესასხამად.პაწა ხანში კარგად დახაჩიჩული\* და ქოჩორ ავარცხნილი გევდა ეზოში.დედეს ამ დილაუთენია სოფლის კაცები მოსლოდენ სტუმრად. დაბალ ჯორკოებზე ჩამომჯდარიყვენ კაცები ტაბლის ირგვლივ და ნელ-ნელა წრუპავდევენენ შერბეთს.ასე გვიანამდე ძილით ცოტა არ იყოს დარცხვენილი მიადგა სტუმრებს გულაა.კაცები ფეხზე წამოდგენ და ისე შეეგებენ თვალსა ხელს შუა აშორლილ ბიჭს.ბიჭმა მორიდებით მედკითხა მოხუცები და თვალი გეექცა ღობეზე მომდგარი ხოჯა ეფენდისკენ.

-დეგვეწვიე შერბეთზე ხოჯა ეფენდი!-მიიწვია სუფრაზე რეჯებალაამ ხოჯა და ბაღნის ერთად გეეშურაჭიშკრის გასადებად.ხოჯამ თვალჩაჭუჭული აათვალთვალა გულაა.

-ეფეჯა\* დიდი გაზრდილხარ ყაზირალო.-მოწონებით უთხრა ხოჯამ და მხარზე ხელი მუუფართხუნა ბაღანას.-იმედია, ტანის აყრასთან ერთად ტვინიც მოგემატებოდა პაწად და ჭკვამიც ჩაჯდებოდი.\*

-რა ვიცი აბა?რაცხა ვარ ეს ვარ.-უპასუხა თავშეკავებით გულამ და ტაბლისკენ გუუძღვა. პაწა ხანში ბაღანა სახში წევდა და ხელი წამუუკრა ნენეს მაგიდის გაშლაში. ის იყო, კაცები მაგიდას შემუუუსხდნენ რომ ღობიგაღმა ძერვენახი\* სოფლის ბიჭებით ეივსო.გახარებულმა გულამ იმ წამალად დეფვიწყა მისი სიმაღლეც და წლებიც და იმფერი აკუნტრუშდა ეზოში,რომ კინალამ ძიგვად\* გეხია უბი ძირში.ბიჭები ჯიხვებოვით ხტებოდნენ ღობეზე და სირა-სირა\* იბღუნჯავდნენ\* გულში მონატრებულ არქადაშს\*. მიკითხვ-მოკითხვის მერე ბიჭებმა უფროსებს ბოდიში მუუხადეს და ღელეში წევდნენ საცურაოდ.ბიჭები დახარბებული ისმენდნენ ქალაქის ხებრებს\*,არც სოფლის ბიჭებს ქონდნენ პაწად სალაპარაკო გულასთან.

\* \* \*

ახშალამაზიხან ბუხრიძირში იჯდა ბადიში ბებია-ბაბუასთან ერთად და მომავალზე ფიშმანობდა.რეჯებ ეფენდიმ რამდენჯერმე დეფქირა ბადიშის უკმაყოფილო, დაღრენჯილი\* ყურვება\* ფუტისგან\* გამოჭვარტლული\* კედლებისკენ და ძველი კაცის მიხვედრილობით უთხრა ბაღანას:

-ბაბი,მართალია ფარა არ გვაქ მარა,არც იმფერი ფუხარები ვართ,რომ ამფერ ფაცხაში ამოგვხვდეს სული.ჰამანქი\* იმის დროა მოსული,რომ ქალი მეფყანო და ეზო კარი კირკლებით\* აავსო.ჰოდა,მოცდა არ ღირს,აღლაჰმა იცის როდსნა ამოგვხვდეს მე და ხანუმს ყიაში\* სული,ხვალ დილიდან წევალთ ტყეში და მასალას დავამზადებთ.ისე,თუ იტყვი დიდი ნადით წევდეთ ტყეში და საქმე წინ წევგდოთ\*.

დედემს სიტყვები იმფერი გუუხარდა გულას რომ კანკულად\* დედაბერი ხელში აწია და ხერტალივით ატრიალა.

მეორე დილით ოცამდე ახალგაზრდა გეეშურა ტყისკენ.რეჯებ ეფენდი გაფაციცებით აფრთხილებდა ახალებს\* თუ რომელი ხედა მეექრენ და რომელი არა.არც ისენა ექნენ,რომ ტყე ჰადმენ გამოკაფულიყო დიდზე.

-პაწ-პაწაი გამოამეჩხრეთ ბაბი ტყე ჩვენი წისქვილისკენ,ბევრი არ მოგივდენ და იმ ამოსაგდები რუსებოვით არ გიგვიტიტველოთ ქედები.-საბოლოოდ დაარიგა რეჯებალამ ბაღნები და უკან გაბრუნდა.-,რას რუსებო,რას ამბობდა დედეე?\*-გაკვირვრებული იკითხა გულამ.

- ეხ,ძმაო , შეენა გენახა რაფერ მიგვაყენენ რუსებმა და თოფიჭერთ\* გვაიძულეს ახალ-ახალი ხეების ჭრა. ნაცეცხლურით გამობაინდა\* ქედები გადაღმა ხევში. ნასოფლარს დეემსგავსა გორიკავის მხარე.დაშრა ან სულ მთლად დეფწრიტა წყაროები.აღარც მიწას იკავებს რამე. ყიამეთ ამინდში ფიცრულები ხან მოვარდნილ წყალს მიაქ და ხან მიწა მიაჩოჩებს ქვედოტკენ. დეფფსო ხალხი.-უპასუხა ბღეზით მაღხაზამ.

-ჩვენსკენ არ გუუკაფიან,ვერ მუუდგენ ხომ წასაღებად მად ოჯახქორები?-იკითხა გულამ

-ჯერ ვერა,მარა იქ რომ ედთავებენ,მერე აქეთაც დიგვიწყებენ ჯიჯღინს.-ჩეიბლუკუნა დაუთაღს ბიჭმა.

-მად საქმე ნამეტარი იბრეთი რამეების მომტანი იქნება,-ხმამაღლა თქვა გულამ.-დეფხსომეთ თქვენ. ქალაქში ამბობდნენ,თუ მთაში ხის ჩეხვა არ შეწყდა,მთა-ბარი გაერთიანდებო.

დერდებმოწოლილებმა\* უხმოდ გეძარეს ეკლესიის ეზო და გაღმისკენ  
გუუხვიეს.გულას უცბათად ის წუთი გაახსენდა ხოჯის ბადიშს ბირტყი რომ გუდუუყარა  
სახიდან და იმწამალად მაშინდელი ხორშაკი დუუტრიალდა ტანში. „ალბათ უკვე გაათხვეს ი  
გველივით ჭრელითვალად ციცად“-გეიფიქრა გულში და პაწაწე რაცხამ გუუფხაჭნა  
გულიფიცარი...

ბუდანობა- აურზაური

შედუმანება-უჟმურისგან გაწმენდა.

ციცად- გოგონა

დუნია-სამყარო,აქ ბევრი,უამრავი

ბლაშტის-ბავშვის

თავანისკენ-ჭერისკენ

ემმაკზე წინ გამშპარი-ემმაკზე წინ წასული,

სიბერის გარგანი-ხელჯოხი,აქ სიხუცის იმედი ანუ ასაკში შეძენილი,ნაბოლარა შვილი

ხებერი-ამბავი(თურქ.)

ზავალი-საცოდავი

ბაღვი-ბავშვი

კაცისიანები-ქმრის მხარე

მეიკუჭვებოდნენ

უბიძირში უსულით გამოზრდილი-სათუთად გაზრდილი

ტაია-დედის ძმა(თურქ.)

კირკლები-მიწყობით გაჩენილი ბავშვები

ყეზას თვალი არ უჩანსო-არავინ უწყის სად იმალება ხიფათი(გამონათქ.)

გუნდრუციტენელა,აუჩქარებლად,უსიცოცხლოდ მოძრაობა,ზოზინი

თლიდა-ითვლიდა,ანგარიშობდა

თავიბაში-ქვეყნის გამგებელი

ლალუბა-პირსაბანი

გამოლომპრილი-გატყავებული

ფიშმანობდნენ-ბჭობდნენ,ფიქრობდნენ

აბურხალა-ატრიალა ყირაზე

დაკერწებდა-დალაგდა

დაახჩემვია-დააკრეჭია

სიბერე-სიბრიყვე

ციციელი-მეხი,მეხდაცემული

ცხემლა-რცხილა

ტანტრაბა-აივანი

ჭიჭვეტა-ჭრელი

ჭიტინაში-ჭუჭრუტანა

ორკარაი -ორ ადგილას სახლის,ცხოვრების მქონე

ბუცვას-დაჟინებულ მზერას,თვალთვალს.

ყიამეთში-უბედურებაში

იჭიპრვოდენ-აქ იჭირვებდნენ

იმევდა-პოულობდა

ნენემისი-ბეზიამისი

დაკვაჭული-გამოკიდებული

კინჩხი-კისერი

კერათანად-ძალიან შავი  
ინსანს-ადამიანს(თურქ)  
ძიძგვად-ჩაფსკვნილი  
ხიზმეთებს - ხლაფორთებს  
მინდარი - ლეიბი  
ჰიჩ-სულ(თურქ.)  
ყერეველად-ტყავის ფეხსაცმელი  
დახაჩიხული-დაბანილი  
ჯარგვალი-მრგვალი მორებიტ აგებული სახლი  
ეფეაჯა-საკმაოდ(თურქულ.)  
ჭკვაშიც ჩაჯდებოდი-დაჭკვიანდებოდი(ფიგ.გამონათ.)  
ძერვენახი-მინდორი  
ძიგვად-შარვალი შალის სახლში შეკერილი  
სირა-სირა- რიგ-რიგობით  
იბლუნჯავდნენ-მაგრად,უხეშად იხუტებდნენ  
არქადაშს-მეგობარს(თურქულ.)  
ხებერი-ამბავი  
დუნია-მემლექეთის-ქვეყნის  
დაღრენჯილი-მოღუშული  
ფუტი-ბოლი  
გამოჭვარტლული-გამავებული,გამურული  
ყურვება-ცქერა  
ფუხარა-ღარიბი  
ჰამანქი-თითქმის  
კირკლები-ბაღნები  
ყია-ყელი  
კანკულად-წელში მოხრილი ადამიანი  
ახალეებს-ახალგაზრდებს  
თოფიჭერით-თოფის დამიზნებით  
ბლეზით-გაბრაზებით  
გამოზინდა-გამონათდა,აქ გამოთავისუფლდა  
დედრდებმოწოლილებმა-დადარდიანებულებმა

## ხ ო ჯ ა

პირველი თოვლის მოსლამდე რეჯებალადს სახლი უკვე ორთში\* იყო მოქცეული.  
ყავარგადახურვილ ჯარგვალში ძველი ბუხრის ყელემი\* დეეტიენ მარტო. გულამ ცოცხალი  
თავით არ მოანგრევია ძველი ბუხარი.მართალია, პაწაწე ფუტს აპარებდა ქვის  
ჭიტინებიდან,მარა ამოვლესოთო ეძიემა ბაღანამ.ბუხარში ჩვენი წინპრების სული  
ტრიალებსო,დეძიემა,არადა საქმე იმაში იყო,რომ ხის კედლების დაშლიხან ბუხრის ქვაზე  
ვენახის ფოთლებით მიმოხვევლი ჯვრის ნახიში\* დედნახა ბაღანამ.გამჭვარტლული ქვის

გაწმენდა მისი ხელით ითავა ბაღანამ და ბევრი ხეხვა-რეცხვის მერე პირველი სახე დუბრუნა ქვის კედელს. ამის დანახვაზე კიდევ უფრო დეფიმა რეჯებალამ კედლის მოშლა და ბაღანა რომ ვერაფრით გედებირა, ხოჯას დუხხმო საქმის გადასაწყვეტად.

უსიტყვოდ უყურა ხოჯამ კედელს და ჯანგამოცლილი დაყუყუდა სექვზე დაფენილ ქეჩხოზე\*. ბუხართან იდგა ბიჭი და ქობულად\* უყურებდა ხან ხოჯას, ხან დედეს.

-ეს ბუხარი, ამ ოჯახს ყეროსავით\* აქ შეეყენებული. - დიდი ხნის ფიშმნის მერე დეფყო ხოჯამ ენის ბორძიკით. ამის მოშლა არნა იყოს ჭკვადამჯდარი კაცის საქმე. გახსოვთ, ზომოებმა\* ბლაცვი გელინის ხუმტურებს\* რომ უყუვენ და ბუხრის ყელემი ჩამოაქციეს, იმიტომაც იყო რომ ზვავმა წედლო იმათი სახლი და კიდევ კად, ინსნებიც\* არ მეფყოლია შიან. ჩვენში ბუხარს ხვანადრად ოჯახს იმიტომაც ვუძახით, რომ ბუხრის ჩამოქცევა ოჯახის დაფსების ნიშანია. ამიტომაცაა, რომ როდცხა იტყვიან ოჯახი დეფცაო იქვე კითხულობენ ხალხზეა ლაპარიკი თუ ბუხარზეო. - ცოტა ხნით გაჩერდა ხოჯა და მერე რეჯებალასკენ იბრუნა პირი, - დუუჯერე ბაღანას რეჯებ ალა დუუჯერე! აგენმა უკვე ჩვენზე მეტი იციან. ჩვენ გზის გაწარბვამინა\* დევებმართ თვარა, იმ გზას ჰვადთქენ უზამენ პირს, ეს მათი გადასაწყვეტია. მთავარია ხათა-ბალაში და უკეთურებაში არ გეერიონ და დანარჩენი გამჩენელის საქმეა.

ხოჯას მეტი რამენ აღარ უთქმია. მისმა ნათქვამმა ყერი-ყერში ამეფყანა\* ყველაფერი. გამუუნათდა სახე გულას, რეჯებალად კი ყინტორდასხმულივით\* იდგა ბუჯალში\*. „ხოჯის სიტყვა ძირში არნა დავარდესო“\*- რაც თავი ახსოვს, ასე ასწავლიდა დედედ ბადიშებს, ჰოდა არც თვითონ შესიტყვებია ხოჯას ბადიშის თანდასწრებით, მარა დაღრეჯილ სახეზე ეტყობოდა ხიხათ ყოფნა\*. წასლიხან ხოჯამ გულად გვერდზე გედხმო ახმალამაზიხან\* „ჩემთან გამოფო“ დუუბარა და წევდა.

ხოჯის ნათქვამმა კიდევ ერთხელ გააკვირვა ბაღანა. „ნეტად მაგის თავიკაფალი\* ამახდევია და შიან ჩამახედიაო“- ფიქრობდა მისთათვინა. \* ნამეტარი სხვანაი იყო ხოჯა ეფენდი. ვინმეს არ გავდა დუნიაზე. მაგაზე უმფო დიდი ხოჯებიც დუუნახია, მარა ეს კაცი სულ სხვა იყო. გულას დღევანდელ დღესავით ახსოვდა ის დრო, როცა ბაღნებს მედრესეის მერე ჯვარი გაღმა გორაზე ხამი მიწის დამუშავებაზე რომ მიდენიდენ. იმ გორიდან პირდაპირ უყურებდა კაცი ჯვარიგორის ქილისეს. ჰოდა, მაშინ აფრთხილებდა ხოჯა ბაღნებს: „ისე იშრომეთ, ზურგი ქილისესკენ არ მიაქციოთ“. მაშინ ბლაცვ ბაღნებს ეგონენ, რომ ხოჯა ამას იმისთინ ამბობდა, რომ გორი გვერდზე ხრამიდან არ გადაჩეხილიყვენ. ახლა კი ხვდებოდა გულად, რომ ხოჯა მაშინ უფრო დიდი რამედსკენ მუუთითებდა, მარა გაჭრილად ვერ ებნეოდა ბაღნებს...

ხოჯის ოჯახში გულად დაღამებამდე მივდა. კარში მისი ბადიში გამეეგება და შიან შუუძღვა. ხალხი ყოველთვის ამბობდა მარა, მართლა თუ ასე გენგიმად\* ცხოვრობდა ხოჯა არ იცოდა რეჯებალადს ბადიშმა. ამდენი ბრწყინვალეება ერთად ჰვადმენ არ ქონდა დანახული. ქვის მოპირკეტებული იატაკი, ხის ნახიშლიანი თავანი\*, სპარსული ნოხებით დაფარული კედლები და ხისგან გამოჩორკნილი მაგიდა-სკამები ზღაპრის ხებრებს აგონებდა მისთათვინა. გულას გულში მწარედ ჩეეცინა, ახლა მიხტა, თუ რატომ აღიზებდა\* ხოჯის წვრილკანჭად ფაციად სოფლის ფუხარა ბაღნებს. ამფერი ოდიდან გესული ციცაძსთის რანდა მოგეთხოვა კაცს? კიდევ კაი, ეს სახლი პაწაობაში არ ქონდა ნანახი თვარა იმ ციცას წიწილასავით წააწყვეტდა კისერს. მართალია, გულას პაწ-პაწად ბრაზი ერეოდა ყოლიმფერზე, მარა ის თვალგამხილო\* ყაზახი\* იყო და მალე მუუკოჭა კუდი ბღეხს და ხოჯის წინ სექქსზე ჩამოჯდა.

დიდხანს ფიშმანობდა ხოჯა, თუ ჰვანდა დეეწყო ლაპარიკი. ბოლოს თავი მუუყარა სათქმელს და თავდახრილმა დეეწყო:

-ამ სოფელში ჩვენი ოჯახი უწიდელიდან მოყოლებული თავისი ნაკითხობით და ღვთის თავგამოდებული სიყვარულით იყო ცნობილი. - ხოჯა პაწახან გაჩერდა და კიდევ დაფიშმანდა ვთქვა თუ არაო და გააგრძელა, - შენ უკვე ნაკითხი კაცი გქვია და იმიტომაც გიყვები

ამას, ბევრთან ამაზე ვერ ვილაპარაკებდი. მარა, ჯერ ისნა მითხრა, შენი აზრით ბუხრის დატევაზე რატომ მოგე დასტური?\*

-თქვენ რა იფიქრეთ არ ვიცი მარა, მე იმიზა არ დავშაღე, რომ იქ ვენახმოხვევლი ჯვრის ნახიშლი ვნახე, მართალია, ჩვენ დღეს სხვა ღმერთს ვადიდებთ, მარა ჩვენი ძველები ძველად იმ ღმერთს ადიდებდნენ. ჰოდა, მეც პატივს ვცემ ჩემს ფესვებს. - დუუფიქრებელი უთხრა გულამ და ფეხზე წამოდგა.

ოთახში იმფერი სუნგალი\* ჩამოვარდა, რომ ბაღანამ იფიქრა, ჩემმა ნათქვამმა ხოჯა დააყრუვა და დაამუნჯაო. ყველაფრის გაკეთებას ელოდა გულამ, მაგრამ ის რაც მოხდა, წარმოუდგენელი იყო. ხოჯა წამოდგა და კედელთან მიდგმულ სკივრს\* თავი ახადა. იქ იმფერი ძვირფასი ჯამ-ჭურჭელი, ქამარ-ხანჯალი და ჩოხა-კაბები ელაგა, რომ გაკვირვებისგან თვალები შუბლზე უუცოცდა ზავალს. ხოჯამ ნელ-ნელა ამოალაგა ნივთები და სექვის ძირში ფარდაგებში გახვევლი რაცხა ამედლო და ფრთხილად დადვა მაგიდაზე. ცოტა ხნით გაჩერდა, ეტყობოდა საბოლოოდ ფიშმანობდა, გეხსნა თუ არა ეს შეფუთნილი სტუმართან და ბოლოს მაინც გაბედა. ის, რაც რაც პაწა ხნის წინ დედნახა, არაფერს ნიშნავდა იმათან შედარებით, რაც ამ პაწად ზარდახში იდგა. ხოჯამ უსულით\* ამოიღო და მაგიდაზე დაალაგა დიდი და პატარა ზომის ჯვრები, ხატები, ჯვრიანი წიგნები და დიდი გასაღები.

-ეს რას ნიშნავს ხოჯა ეფენდი?-ძლივს ამედბლუკუნა გულამ.

-რას და, ყველამფერი ჩემი დედე-ნენეს დატევილია. მუსლიმების მოსლამდე ჩემი ოჯახის წევრები მღვდლები იყვნენ. იმ ქილისეის გასაღებს ჩემი ოჯახი ინახავდა ებბედი\*. ჰოდა, ზუსტად ქილისე რომ არ დეენგრიენ და ხალხიც არ მიეყოლებიენ ზედ, პირველი ამ სოფელში ჩემი დიდი დედეს დედე, სოფლის მღვდელი გამუსლიმანებულა. მერე ხალხი ამბობდა, რომ ამით ხალხსაც გული მეეცა და ადვილად გამეცვალეს ჯულიო. დიდხანს არჩევდა ამ ამბავს ხალხი, ბევრი ლანძღავდა, ბევრიც ამართლებდა მის საქციელს... დრო და დრო ყველამ ყველაფერი მიივიწყა. მარტვამ ჩემი ოჯახი დარჩა ორცეცხლშუა გამოკიდული. ძალვან ძნელია იყო ხოჯა და გულით ჯვარს ატარებდე... - უცებ ხოჯა ეფენდი გაჩერდა გულზე მიიდვა ხელი. მეტი აღარაფერი უთქმია. ისევე უსულით ჩაალაგა და შეახვია ხოჯამ ნივთები და სკივრში გადაამალა.

ენა გადაყლაპული იდგა გულამ შვა ოთახში და ვეღარ მიმხდარიყო რა ხდებოდა, ან რაზე ედრჩია მაინცადამაინც ის ამ დიდი საიდუმლოს განდობისთინ. ბევრი კითხვა ერთად უტრიალებდა თავში და ბოლოს მაინც კითხა ხოჯას:

-რატომ მაინცდამაინც მე ?

-არ ვიცი, ალბათ იმიტომ, რომ შენთან დიდ ვალში ვარ, ან იმიტომ, რომ პირველი ნაკითხი კაცი ხარ უკვე სოფელში, ან იმიტომაც, რომ გეყო ძალა და დედეს ჯინაზე მაინც არ დაანგრიე ჯვრიანი ბუხარი... არ ვიცი, უცბათაჲ მომინდა და ასე გადავწყვიტე. უკვე სხვა დროა მაინც, აწი თურქები ვეღარ დაბრუნდებიან, ლელე კი, ოდესმე მაინც დუუბრუნდება მის პირველ სადინარს...

-რომელი ლელე?-ისე ბლაცურად კითხა უცბათ გულამ, რომ მიხდა ხოჯა, რომ ლაპარაკის დამთავრების დრო მოსულიყო.

-რაც გითხარ, კარგად დედმახსოვრე და მარტო იმფერ დროს და იმფერ კაცს მუუყევი, ფჩხილიდან თმის ღერომდე რომ ენდობი...

ერთი თავით ამალღებული და ერთი ფუთით დამძიმებული მიაბიჯებდა ორღებეში ბაღანა და თავი სიზმარში ეგონა...

ორთი-სახურავი  
ყელემი-ბუხრის საკვამური  
ნახიში-ჩუქურთმის ერთ-ერთი სახეობა  
ქეჩხო-მოქნილიცხვის ტყავით შეკერილი მოსაცმელი  
ქობული-გამბედავი, უშიშარი, ვაჟკაცური  
ყერო-მსხვილი ბოძი, აქ იგივე დედაბოძი  
ზომოები-ზევით მაცხოვრებლებმა  
ხუმტური-ახირება  
ინსნები-ადამიანები(თურქ)  
ყერი-ყერში ამეფყანა-თავისთავში, თავის ადგილზე დაბრუნდა ყველაფერი.  
ყინტორდასხმული-ძალიან ცივი წყაროს წყალი.  
ბუჯალი-კუთხე.  
სიტყვა ძირში არნა დავარდესო-ანუ აუცილებლად უნდა ასრულდეს  
ხიხათ ყოფნა-ცუდად-ყოფნა  
გზის გაწარბვა-გზის გაკვალვა  
ახშალამაზიხან-სალამოპირს(თურქ.)  
თავიკაფალი- თავის ქალა  
მისთათვინაჲ-თავისთვის  
გენგიშად-კარგად, მდიდრულად  
თავანი-ჭერი  
ალიზებდა-ალიზიანებდა  
თვალგამხილო-საზრიანი  
ყაზახი-გლეხი(თურქ.)  
დასტური-თანხმობა  
სოფლიერი-სოფლის მაცხოვრებელი  
სუნგალი-სიჩუმე  
სექვს-ტახტი  
უსულით-ფრთხილად  
ებზედი-ყოველთვის

## სოფლის სასიძო

რეჯებალას ბადიშის სოფელში დაბრუნებამ ისე ააფუთუნა ხალხი, რაფერც ჟოლოჟვერის\* დანახვაზე აბრეშუმის ჭიები. ვინცხას ქალი ყავდა გასათხვარი, ყველაჲ ამათ ეზოში იჯდა დედაბუდიანად. საცოდავ ხენიფე ხანუმს მარტო სუფრის ალაგება-დალაგებაში უღამდებოდა. მოხუცები უსიტყვოდ უსმენდნენ მათი ბიჭის სიძედ მპირებლებს და მორიდებული ვართ ისტუმრებდნენ უკან; ესაო და „ქალაქში ნასტავლი ბაღნის დაყოლიება ძნელი ყოფილაო“, ან „ასე ამბობს ჯერ არ დავქოწინდებო“, ან კიდევ იმას მიზეზობდნენ: „ვერაფრით მუფუგრიხეთ კისერი და შევაბით ეფვანიო...“. გულას კი ყველაფერი ეს სასაცილოდ არ ყოფნიდა და ძმა-ბიჭებთან თევზაობაში და ნადირობაში ათენ-ალამებდა. უმფო მეტად კი რეჯებალას წისქვილში იკრიბებოდნენ და ყადიოლლი დაუთამს საკაცოდან ჯემალას მოპარული ღვინით ირევდნენ ჭკვას.

იმ დღესაც კარგად შემთრალეები იყვენ ბიჭები.რემზის,ხასანას და ბადრის სობიძირში დაფენილ თივაზე ჩაძინებოდნენ.ტაბლასთან გულად და დაუთადას ჯემალად შერჩენილიყვენ მარტვად.რეჯებალას ბადიში ხშირად ამჩნევდა,რომ ჯემალად სიმთრალისხან, პაწად აღმაცერად ებუცვოდა\*.ერთი არა,ორი არა და სამი, ბოლოს ყელში ამუუვდა ბაღანას და კითხა:

-ასე რაზე მიყურებ ჯემალავ,შენთან რამე ვალში ვარ და არ მახსოვს თუ რაა ერთი იმიხსენი.

-ახსნას რომ ჭკვა ქონდეს და საშველი, იგიხსნიდი,მარა არ ღირს ძველი თორბის წახსნა.თავი გააქნია ჯემალამ და ჭიქაში დარჩენილი ღვინო მოწრუპა.

-რა ამბავია ამფერი მე რომ არ მახსოვს?-კითხა გულამ და პაწაი ჩაფიქრდა. ბაღნობაში მისი სიჩინგით\* იმდენი ვინმე ყავდა აყიამეთებული,რომ ახლა ვინ მოთლიდა,მარა კარგად ახსოვს,რომ ჭკვადამჯდარ ჯემალასთან შეხლა ერთხელაც არ მოსლია.-არა მაინც ვერ ვხტები რაშია საქმე,ჰელე,\* ამოღერლე და მომიყევ ყველაფერი სანამ ბელაში შიმისწრიხარ.

-მართალია,მაშინ ბაღვი იყავ,მარა მაინც არ გეპატიება მარტვად ციცავს წისქვილში წამწყდევა.ვიცი,ხოჯაზე აჯელის ყრა\* გინდოდა,მარა ციცავ არნა გეგერია მაგ საქმეში.

გულას თან ეწყინა და თან გუუხარდა ჯემალას ნათქვამი.ეწყინა იმიტომ, რომ ციცავს სახელის ფინთად\* ხსენება არ იყო ზოვლი\* ხებერი,მარა გუუხარდა ის, რომ უმფო სხვა რამე რომ ყოფიყო კაცობაში შესარცხვენი,თავის გამოსაყოფი ადგილი არ ექნებოდა მემლექეთში.გულამ დაწვრილებით მუუყვა ჯემალას იმ ღამინდელი ამბავი და თან დაამატა:

-ჰო,გათხოვლი ქალის საქმეებს რაზე იძევ,რაში გჭირდება?ისე ,მართლა ჰადაა გათხოვლი ხოჯის ბადიში?

-ვინაა ჰო გათხოვლი?-გუუკვირდა ჯემალას.-მაგა ხოჯა ქალაქში არ გაათხვებს და სოფელში კი შენ გარდა ვინმეოს ოჯახში შესასლელი პირი არა აქ მაგას.

-რად ჰო?-დააფჩინა პირი გულამ.-რას ქვია არაა გათხოვლი და ილლექი ჩემი მოსაყვანიაო?რაცხა ვათრიე იმ ყიამეთში არ მეყო და ახლა თურმე ჩემ სახშიდა ევტანო გაბრექილი ხოჯა და მისი სურუნჯენია\* ციცაად? ჰაცხან არიან იქ დეექიონ და მე თავი დამანებონ სანამ კაა ჭკვაზე ვარ ჯერაც.

-აბა,თუ ხოჯის ბადიშის ამოსლას არ უცდი,რადსთვინ არ მოგყავს ქალი? ორი-სამი წლით შენზე დიდვანი გოგვებიც რომ აცუდრუკდენ და ხას ვინ გიგზავნიან ელჩად,ხან ვის,რაზე არ ირჩევ ვინმეს?

-არნა დაკვორწილდე გინდანან რამე?-გაბრაზებული წამოხტა ზეზე და წისქვილიდან გევდა.

-შენ თუ არ გინდოდა,სხვას რაზე უშლიდი ხელს?-ისე მიაძახა ჯემალამ, რომ გულას ჰიჩ არ შუუტყია რამე.არა და,თურმე შეძლებულ დაუთას და ხოჯა ევენდის ბაღნების პაწავობაში დუუდვიან პირობა,რომ მათი ბაღნები ილლექი დეექორწილებიენ დიდობაში. ეს ამბავი მისდღემში\* არ უთქმია ჯემალასთვინ მამამისს, მარა ი ამბავი რომ მომხდარა,მაშინ გუუგია რაფერ ებნეოდა დაუთად მის ქალს- ,, მაგ ციცავს სხვისი არ ვიცი მარა,მე სახში არ შემეყვან; რაც უნდა ის ქნას ხოჯამ.აღლახმა იცის იქ რა მოხდაო...მას მერე ჩამუუდვია გულში ჯემალას გულადს წყენა და აქნობამდე\* უწიკია\*.

წისქვილიდან გესულ გულას გულში დიდი ხნის წინ ჩალაგებული დერდები უუფუთუნდნენ.მიწაწაყრილ თესლებივით წამოყეს თავი ფიქრებმა და საფიქრალი უუფუნგეს\* ბაღანას.-,,ვინაა ჰო გათხოვილი?“-ექოსავით უბრუნდებოდა უკან ჯემალას სიტყვები... ,,ვინაა ჰო გათხოვილი?“ -ტრიალებდა სიტყვები ჰაერში და აქეთ-იქით აბანცალებდა.გულამ სახეზე წყალი შედსხა და წისქვილში შებრუნდა. მაგიდაზე ჩაქინდრულ ჯემალას თავი ააწევია დაკითხა:

-რას ამბობენ,როდსნა დაბრუნდესო ხოჯის ბადიში სოფელშიო?

-გათოვლებამდე ამოვაო,გუშინ ებნეოდა ბაბას ხოჯა ევენდი.-ნახევრად სიზმრიდან უპასუხა ჯემალამ და ხვრინვა ამოუშვა.

ახალმა ხეებმა ღვინით არეული ჭკვა უმფო უურია ბაღანას.ჰადან არ მუყარა ამ ამბავს და ჰადმედან ვერ მოარგო გასაღები...ის რომ, იმ დროში იმფერი წარაკვა\* და კუდაბზეკად იყო ი ციცადა,ახლა ვარესი იქნებო“-,ფიქრობდა ბიჭი. ,,თვალკაკლის სილამაზით ქალი ვის მუყევანიაო,თანაც იმა იმფერი წვიტი\* ჭლიკები ქონდა,რომ ახლაც რამეთ არ ივარგებსო“-ინუგემებდა თავს და მაინც ხოჯის ბადიმისკენ ეპარებოდა ფიქრები.

დილით გაღვიძებულ ჯემალას ხან აქიდან უარა გულამ,ხან იქიდან,მარა გუმინდელზე სიტყვაც ვერ დააცდენია...ეტყობა მართლა სიმთრალით იბოდილა ყველაფერი და დღეს რამენ აღარ ახსოვსო“-გეფიქრა გულში და პაწაზე დამშვიდებული გუყვია სახლისკენ.

ხოჯის ბადიმის სოფელში დაბრუნებას სულისსიმწრით უცდიდა გულამ. პირველი თოვლი ისე მოვდა და აშრა,რომ იმ ციცადას ამბავიც კი არ ამუტანია ვინმეს ქალაქიდან, არათუ ი გოგო ამოსულიყო.ცოტა არ იყოს,გულზე მუუჭირა,-,,ვადთუ ტყვილა იმედები ჩევდევი გულშიო“-,მარა, მაინც არ იტეხავდა გულს. რეჯებალასთან კი ისვენ რძლობის მპირებელთა რიგები იდგა.

ერთხელ,სახლში მისულ გულას ოდაში ხოჯა ეფენდი დახდა სტუმრად. ზრდილობიანად დუუკრა თავი მისალმების ნიშნად და მოხუცებისგან მოშორებით ბუხართან დაჯდა.

-დღეს სტუმრად ქომოების\* ყანი\* იყო ამოსული,-ბადიმის გასაგონად თქვა რეჯებალამ.

-მერე?-ვითომც აქ არაფერიო,ისე იკითხა გულამ,-უნდოდა რამე თუ?

-კად ციცადა ყოლია თურმე გასათხვარი,სულმთლად ბაღანა.

-მერე ჯერ გაზარდოს.-მოკლედ უპასუხა ბაღანამ და ბუხარში შედებულ დიდ ჯირკვს მხარი მუუცვალა.

-ჰო,როდცხა ხომნა დაქორწილდე?-გაბრაზებით იკითხა რეჯებალამ.

-როდცხა კი.

-დღეს რა გიმლის ხელს?რაფერ,შენი მოსაწონი ციცადა არ დეფარება ამ დუნიაზე ნეტად?

-ჰადმენ რომ გეველო დევნახევი.-ნიშნის მოგებით უპასუხა დედეს ბადიმმა და ფეხზე წამოდგა.ადგომისხან გულამ დედნახა,რომ ხოჯა გაფაციცებით ისმენდა მათ ლაპარაკს და თავში ერთი აზრი მუუვდა;იმ წამალად დედტკბო ენა და დედეს უთხრა:

-მარტო მე რომ მომჩერებიხართ,ადექით და თქვენაც შეარჩიეთ ციცადა. მარტო ჩემთვის ხომ არნა მეყვანო არა? თუ იმფერი გოგო ნახეთ, რომ ორივეს მოგეწონენ,მეც მეწონებ და ვიქორწინებო.-ისე უთხრა გულამ დედეს,რომ ხოჯისთვის თვალი არ მუუცილებია.ამ სიტყვებზე ძალვან აფორიაქდა ხოჯა ეფენდი.ეტყობოდა,რომ ჯემალას ოჯახივით ხოჯაც ფიქრობდა,რომ მისი ციცადასთვის ყველაზე კად გულაზე წაყოლა იქნებოდა.ახლა კი,როდცხა ბაღნის სიტყვები მეფყურა, პაწად არ იყოს მუუჭირა კაცს,ვად,თუ ციცადას ამოსლამდი დაქორწინდაო.

ხოჯის სტუმრობის მერე უფრო დარაათებული\* დადიოდა გულაი.მისი ჭკვით, ქალი უკვე დაგულვილი ყავდა და ახლა იმა უცდიდა,როდსნა ამეყვანენ სოფელში და დეჯდუმლებიენ\* მისთინ .სოფლის ბიჭებმა ერთხელ ისიც უთხრეს : ,,გოგვების სახელ ნუ აფუჭებ,ვინცხად ეფჩიე თვარა, ვინც შენზეა ნათქვამი, სხვები აღარ აკითხავენ და დარჩებიან გოგვები გუუთხვარიო.“ ამ სიტყვებმა ნამეტარი გული ატკინეს გულას და პაწად ჩამოაქაჩიეს.არანდარა\* რა ქონდა იმფერი გადასარევი?,პაწას თუ გეფიქრებდა კაცი,მისფერ ჯარგვალს ყოველთვის დადგამდა;სწავლითაც ამ უცოდინარ სოფელში დიდად ვერ გააკვირვებდი ვინმეს. პირიქით,,,ჰელე,არნა დევნახო რაშინა გამეფენოს ჭკვაო“-იცინოდენ მის ზურგს უკან სოფლელები. თანდათან მიხტა გულამ,რომ ხალხმა ცალყბად დუუწყო ყურება და ერთ დღეს ყველას გამუუცხადა...ხალხო,მე ვინმეს არ ვწუნელობ,ჯერ ვერ დავქორწინდები,კად

ნიმან-ბოხჩის ფარანა მოვაგროვოვო“.ეს ამბავი უცბათ გავცელდა და ხალხსაც პაწა ბრაზი გუუარა.

ამ ამბების მერე,პაწაზე კარჩაკეტილი გახდა რეჟებალადს ბადიში. დილიანა მიდიოდა წისქვილში და ქალაქიდან წამოღებულ წიგნებს კითხულობდა.ახლა რომ ხნა-თესვის ზამანი\* ყოფილიყო,მთელი ძალღონით დედწყებდა მუშაკობას და საფიქრალისთინ დრო აღარ დარჩებოდა,მარა ამ ზამთარში რანნა ეკეთებია?არც სახში უნდოდა დიდხანს ყოფნა და მოხუცების გუუთავებელი ჯუჯღუნის ყურვება. ჰოდა,რაფერც იხერხებდა, ისე არიდებოდა ხალში გამოჩენას.დრო და დრო სოფელში იმაზე დედწყეს ლაპარაკი,რომ ზაქარაა ხოჯიბადიშის ამოსლას უცდის და იმიზა არ ქორწინდებაო.რა წყალში გადავარდნილიყო აღარ იცოდა ბაღანამ.სწორედ მაშინ მიხტა ერთ დიდ სიმართლეს.,,სოფელი აგაშენებს და სოფელი დაგაქცევსო“.აბა რას ერჩოდენ ბაღანს?იყო მისთათვინაა ერთი სოფლეელი და უფარო ყაზირალი. მარა იმდენი ტყვილ-მართალი იბლუკუნეს მასზე,რომ ზოგისთინ რომ გეკითხა ხოჯაზე მეტი ფარა ქონია გადამალული,არა და ერთი ზავალი ბემიბილლიც\* არ უჭყაოდა სახში.ნეტად ჰიჩ არ დეენგევია ძველი ფაცხა,მეყევანა ერთი ლამაზი ციცაა სახში და ყოფილიყო თიბილად.არც ხალხის სალაპარაკო გახდებოდა და მითუმეტეს, არც გასარჩევი. სიმართლენა ითქვას,მართლა რამე არ დუუშავებია,მარა იმდენი მომდურავი გეძინა,რომ ისევ ძველი ჩინგანი ბაღანა ეგონა მისი თავი.კიდევ კაა, დიდი თოვლი მოვდა და ხალხმა მიმოსლა შეაჩერა და გულააღც დამშვიდებული დაჯდა სახში გაზაფხულამდე.

- ქოლიქვერი-თუთის ფოთლები
- ებუცვოდა-უცქერდა,ამტერდებოდა
- სიჩინგლე-სიცელქე
- ჰელე\*-აბა
- სანამ ბელაში შიმისწრიხარ-სანამ რამე არ ამიტეხავს შენთის
- აჯელი-ჯინი,სამაგიეროს გადახდის სურვილი
- ფინთად-ცუდად
- ზოვლი-კარგი
- იმევ-არჩევ,იქექები
- სურუნჯენია-ენამწარე
- მისდღემში-არასოდეს
- ბაბაღს-მამის
- აქნობამდე-აქმდე
- უწიკია-უზიდავს
- უუფუნგეს-აუშალეს
- წარაკვამ-აუტანელი
- წვიტი-წვრილი
- ქომო-ქვევით
- ყაღნი-ცოლისძმა(თურქ.)
- დარაათებული-დამშვიდებული(თურქ.)
- დაჯდომილება-ქალის მისი ფეხით ქმრის ოჯახში მისვლა და დარჩენა.
- არანდარა-არადა
- ზამანი-დრო(თურქ.)

## ს ა ს ე ლ ა

ლილიჭრელობაზე გულას დერდები სულ თლათ გეეფანტა გულიდან. დილიდან სადამომდე დედესთან ერთად მუშავობდა ყანაში.საღამოს კი მეზობლის ბიჭებთან ნარდის თამაშით გაყავდა დრო.ამ საღამოსაც ყანიდან ამოსული,ლამაზად დაბანილ-დახაჩიჩული იდგა ფეფენიკში\* და თუთუნს წრუპავდა.პაწ-პაწად წვიმდა მარა იმფერს აელვებდა,რომ ეტყობოდა მაგრათნა გაწვიმებულიყო.ის იყო სახშიდა შესულიყო,რომ ამდროს სოფლის ბიჭებმა ჩამეფარეს თოხებით.

-ხომ მშვიდობაა?-გასძახა ბიჭებს ზაქარამ.

-მშვიდობაა!გზაზე შვავი ჩამოწვა და ხოჯის ოჯახობამ დიგვიძახა დასახმარებლად.

-ამ ღამე რა გეჩქარებიან მერე,ხვალამდე გედეფლებს და მერე გავწმინდოთ. ახლა გადმოთ რამე წევლუკმოთ.-დაპატიჟა ბიჭები თავისთან გულამ.

-არა ჭოვ,გაგიჟდი? გზაზე ხოჯის ბადიშის და მისი ქალაქელი სტუმრებით სავსე ურემი დგას.გზა ახლავენა გავწმინდოთ.-გადმოსძახეს ღობიდან.

-დახმარება ხომ არ გინდებიან?-უხალისოდ,ზრდილობისთინ კითხა გულამ.

-კილამ მთელი სოფლის ბიჭები იქ არიან,თუ არ გეზარება, შენც წამო.

-არა,დიღვენა თუ ტაროსია\* ყანაშინა წევდე.-გასძახა გულამ და ოდაში შევდა. მთელი ღამე იწვიმა გუუჩერებელი.ვერ მიმხდარიყო გულამ, წვიმის თქეში არ აძინებდა თუ ხოჯის სტუმრების ამბავი.დილაუთენია წამოდგა და ტანტრაბაში მოყვა ბოდიალს.ადგილს ვერ იძევდა მისთინ.ვერ მეენელებია ის,რომ არ წაყვა გუშინ ბიჭებს ხოჯის ოჯახობის დასახმარებლად.რას იფიქრებდა ახლა ხოჯა? არა, სხვა რომ ყოფილიყო,ხომ დუუძახნელი გეძქცეოდა პირველი,მარა ხოჯის ბადიშის ფეხზე კიდვენ ერთი აბლაცუნება არ იკადრა ბიჭმა.მის ჯინაზეც იმფერი წვიმდა,რომ ორლობეში კაცის ჭაჭანებაც არსად იყო ვინმედსთვის რომ გუშინდელი ამბავი ეკითხნა...

სამი დღე და ღამე იწვიმა იმ დღის მერე. ბოლოს იმფერი გამეფდარა,მზემ ნამსხვანი\* გუუთბო დედამიწას.იმ დილით დედემ ყანაში წასლაზე ვარი თქვა „სველი იქნებო“ და ამიტომაც გულამ სოფლის მეიდნისკენ გუუყვა გუნდრუცით\*.

მეიდნის ჩარდახში\* სოფლის ბიჭები როხროხობდნენ.გულამს მოსლა ჰიჩ არ გუუგიან ბიჭებს ისე იყვენ გართული ლაპარიკში.

-ჭო, ქლათ მაგფერი ლამაზები კი არ არიან,მარა ჩვენი ჩაფუთნილი გოგვების მერე ად თავახდილი ქალაქელი გოგვები სხვანაირად გვეჩვენება და ესსაა მარტვაი.-ამბობდა ერთი.

-ახლა ბლაცვი არაა აგი?-გუუკვირდა მეორეს.-ბეჩო,ჯერ ჰადმენ დიგინახია მაგფრათ მოხატული და კაცივით შალამოცმული\* გოგვები.დევფიცავ, მაგფერი ციცაებს ჯერ ჩვენ მიწაზე ფეხი არ დუუბიჯებიან.

-არა,მართლა ხოჯის ბადიში რომელი იყო მაგენიდან?-იკითხა გადმელმა გვიამ.

-ხოჯის ბადიში შენი საქმე არაა,-დუუყლიპეს თვალეები გვიას და გულაზე ანიშნეს.იმან კი რამე არ შედმჩნია და ვითომც აქ არაფერიო,ისე კითხა ბიჭებს:

-ბიჭებო სოფლის მუხთარი\* არ დიგინახიან ჰადმე?

-სოფლის მუხთარი წვიმებამდე ქალაქში წევდა და ჯერ კად ხანი ვერ ამოვა.-უთხრა გულას ჯემალამ.

-რა ტყვილად გამოვლაცუნდი ამხელა გზაზე,-ჩემქნია ხელი ბაღანამ და ბიჭებთან ჩამოჯდა. ერთი-ორი ხელი ნარდის თამაშის მერე ბიჭებს ქვედან ამოსული ახაგაზრდები შუუერთდენ.ისინი იმფერს ფხუკუნებდენ შიგადაშიგ, რომ ბოლოს ხალხიც ეფყოლიენ.

-ჰო ,რაზე იცინით გვითხარით მაინც.-უთხრა ჯემალამ ახალ მოსულებს.

-რაზედა,ჩვენი „ჭყლურტა“ ხომ იცით,წითელთავად მალხაზად,-იცინოდა გივია-შემოდგომაზე ქალი რომ დედნიშნა გაღმა სოფელში?... მისი ყადნი კიდვენ არ დაბრუნებულა ჯარიდან და მამამისი იძახდა თურმე სანამ რძალს არ მეფყვან,ციცას ვერ გუუშვებ სახლიდანო;ჰოდა,ამოსლია სული ყიაში\* ჩვენ წითელ თავასდა ციცასთან შეპარულა.

-რაო,რა თქვი?მაგ ბლაცვლამაზამ მაგდენი გაბედა რომ ციცასთან ღამე შესლა დააპირა?-იკითხეს სიცილით ბიჭებმა.

-დააპირა კი არა, შესულა კიდევ, მარა, „ბეჩის ნაქნარი ბეჩური იქნებაო“ ტყვილად კი არ ამბობს ხალხი.ჰოდა, არევია ამ შვაბეჩას და ქალის ნაცლად, სასიმამროს შეგორვია კილამ ლოგინში.-გასკდა სიცილით გივია.-იმფერი უცემიან ზავალი,იმფერი რომ ახლა დაშინებული იძახის ებზედი ქალის მომყვანელი არ ვარო.

-რანდა იქნას მერმენ მად ხებერი?-სერიოზულად იკითხეს ბიჭებმა.

-რადა მეფყვანს,აბა რას იზამს,მარა საცემი მად კი არა, მისი ემიაშვილები\* იყვენ.ისე გუუშვეს ბაღანა ქალის სახში, რომ ყველაფერი გარკვევით არ უუხსნიან. ყველაფერს თავისი წესები აქ.-გაბრაზებით ჩემქნია ხელი გივია.-ჯერ ისაა,რომ წინდაწინა იცოდე,რომ დანიშნულის ოთახში მის გარდა ვინმე არ წვება.მერმენ იცოდენა ისიც,რომ დანიშნული ციცაღს ოთახს ოჯახის კაცები იცავენ და იქ შესლა მარტო მაშინაა სატრაბახო,თუ ისე შეე და გამოე,რომ ვინმემ ვერ დიგინახა.აბა,ცხვირ-პირს თუ დიგილიღვავენ ცოლისიანები რაღა კაცობაა მაგი.

-ჰო,ერთი რამე ვერ მივხდი მე.-იკითხა ერთმა,-თუ შესლა შეეძლება ქალთან, მაშინ რაზე ცავენ ოთახს?

-სერსემ\*!-დუუძხა გივია,-ქალთან ჩუმათ გადაპარვა სიძის პატივია, ოთახის დაცვა კი - ქალის ოჯახის.

-მეცაფთ,კიდვენ და გკითხოთ ერთი სიბლაცყე-დეფყო ისევ იმ პირველმა,-უცბათად რომ ქალი დაფეხძიმდეს მაშინ?....-გეეცინა ნინველს.\*

-მერე რა,მაგას იმიზა იჯებთან, რომ ქალი დაფეხძიმდეს.ქალის დაფეხძიმება კი იმიზა უნდებიან კაცებს,რომ ქორწილი დააჩქარებინონ ქალის ოჯახს.

-თუ ქორწილი მაინც ვერ მოხერდა ან დიდი თოვლია და ქალი პატრონმა ვერ წეფყვანა მაშინ?

-მაშინ, ექნე ქვა და შუუშვირე თავი,-უპასუხა გივია-თუ ვერ წეფყვანს პატრონი დროზე,ქალი ბაღანას მამამისის სახში იშოვს და მერე ისე წეფყვანს კაცისას.ჰოო,მთავარი და მავიწყდა მეთქვა,-დაამატა ბოლოს,-ამფერ დაბადებულ ბაღანას სხვანადრად რას უძახვენ ხომ იცით?-მაგის მეტი რა ვიცით?სასელას,ნაადრევი სხალის სახელსო.-გეეციენენ ბიჭებს.-სასელაღს მოსლამდე მისასლელ გზებში ვერ ვერკვეოდით თვარა,მაგი რავა არ ვიცითო,-დიდხანს ხორხოცებდენ ბიჭები....

ლილოჭრილობა-თოვლის დნობის პერიოდი,როცა აქა-იქ მოჩანს მიწა  
ფეფენიკი-სახურავის ის ნაწილი,რომელიც სახლის ირგვლივ გადმოშვერილია და სახლის  
კედლებს იცავს წვიმისაგან.

ტაროსი-ამინდი

ნამსხვანი-სხეული

გუნდრუცით-ნელა,აუჩქარებლად

ჩარდახი-ფარდული

შალამოცმული-შარვლიანი

მუხთარი-სოფლის გამგებელი

ჭყლურტად-მცენარე წითელი ნაყოფით

ამოსლია სული ყიაში-მოთმინების გაფი გაწყვეტია

ემიაშვილები-ბიძაშვილები

სერსემ-სულელო

ნინველი-თინეიჯერი

ბუკი-შუბლი

## ა ჯ ე ლ ი \*

სოფლის ბიჭებს აყოლილი გულად ცალი თვალით გზისკენ იბუცვოდა და მგზავრებს ათვალთვლიერებდა.სულისიმწრით ცდილობდა რაცხა გეგნო ხოჯის ბადიშზე, მარა ჰადმედან არ უჩანდა პირი ხებრის მომტანელს. ბოლოს რაცხა მეამიზეუა და სახში წევდა.ეზოში შესულს ოდიდან ქალების ლაპარაკი შემეესმა. გუუკვირდა რა ხდებოდა და ბოსლის გვერდით ბოსტანში დედეს დაადგა თავზე.

-სტუმრები გვყავს?-იკითხა ხმადაბლა.

-ჰო,ხენიფე დილიდან ვერ იყო კარქად და ხოჯასთან აქიმი გოგვები არიან,იმათ დუუმახეთ გასასინჯათ.

გულამ კარგად იცოდა,რაფერი ავადყოფი იყო ნენედ და რასაც ნიშნავდა ამ დილიანა იმ ციცაების სახში მოყვანა.-„მეტი რამე ვერ მედფიქრეთ ხომ?“ - გაბრაზებით უთხრა დედეს და წასლა დააპირა.სახლის უკნიდან ეზოში რომ გადიოდა,კიბეზე მდგარი ციცამ დედნახა,რომელიც აქეთ-იქით აცეცებდა თვალეებს.გულას ჯიხვის ჯინმა მუუარა და ციცას არ გამოლაპარაკებია, ისე გააგრძელა გზა.

-ერთი უყურეთ ამ ცხვირკუბზუხას!-წამედმახა ციცამ და ჩქარი ნაბიჯით დეეწია ყაზახს.-ჰო,მე ბებიაშენისთინ ამხელა გზაზე ამოვედ და შენ სალამსაც არ იძლევი? ხომ არ გინდა,დედემს ნაყიდი ფეხსაცმელი შენ ფუნთან ბოსტანში დავსვარო და ისე დუუკრიფო ხენიფე ხანუმს ფხალი ჟვერი?

გულად თვალეებს და ყურებს არ უჯერებდა.ჯერ სად გაგონილა ციცამ ასე ელაპარაკებოდეს უცხო კაცებს.ანდა ასე თავახდილი დადიოდეს სხვის ოჯახში.

-რაში ჭირია ნენეს ფხალი ჟვერი,ფხალობიოს აკეთებს?

-ფხალობიოს კი არა იმას კიდევ.ქალს თავიდა შუუხვიოთ ფხალი ჟვერით. ახლავენ მუუტად.-ძველებურად გედბრიქა ციცამ და ჭყეტილად თვალეებით ბუკი\* გუუხრიტა.-ისევ იმფერი ხეპრე დარჩენილხარ! ნეტად, ამ სოფელში ერთი ბიჭი მაინც თუა ნორმალური?

-შენფერი ცერცეტად გოგვებისთინ არ მგონია თავი წეხდინოს რომელიმემ მაინც, ტყვილად არ ეძებო.-მიამალა გულამ და უკან გაბრუნდა. ჩქარ-ჩქარა მიმოკრიფა ქორფა ფხლის ჟვერები, წყალში კარქა გარეცხა,მერე დაფერთხა და ოდაში შევდა.სასტუმროში ხატოსავით თავახდილი გოგვები ტრიალებდენ მოხუცის ირგვლივ.ბიჭი ხმამალა მიესალმა ყველას და პირდაპირ ნენეს საწოლისკენ წევდა.

-რა გჭირს ნენულავ?-ისე თბილად კითხა მუხუცს,რომ ხუთივე ციცამ ადგილზე გაშეშდა.უცბათად მოლბა ყველად და ანთებული სანთელივით დედაწყეს გრეხვა პრანჭვისგან.ზურგს უკან გოგვების ფუთფუთს ყური არ ათხოვა გულამ. ნენეს ჯერ შუბლი გუუსინჯა,მერე მაჯა დედაკვა ხელით და გულიფეთქვა დედათვალა. -ნენი,შენ თუ მარტვად ყოფნა მოგეწყინა და სტუმრებით გახალისება მოგინდა შენი ნებაა,მარა ახლა ადექ და აგენს რაცხა აჭამ-ასვი,თვარა ხვალ მთელი სოფელი ილაპარაკებს: „ რეჯებალამს ოჯახზე ავადყოფი და ფუხარა მეორე არ მედძევა სოფელშიო“.

-რაზე ფიცხოზ შვილო?უცხოებთან ასე არ შედძლება ნენი.-წუხტა ნირი დედაბერს,რადგან მიხტა,რომ ბადიშის გაცურება არ ყოფილა ადვილი.ნელ-ნელა წამოწია თავი და წამოდგომა დააპირა.ციცაები დაფაცურდნენ და ნენეს წამოდგომაში დახმარება დააპირეს რომ გულამ ხელის აწვით შეაჩერა ყველა.-ბებიჩემი ავად არ არის,მას უბრალოდ ქალაქელი ციცაების ნახვა მუუნდა და თვალს წყალი დააღვია. კარგად ბრძანდებოდეთ!-დუუკრა ყველას თავი და ეზოში გევდა.ცოტა ხანში ციცაებიც გამოვდენ ეზოში და ჭიშკრისკენ გეეშურენ.წინ წესულ გოგვებს უცბათად გამეეყო ხოჯის ბადიში და გულასთან მივდა:

-ვალი გადახდილია! შენი რამე აღარ მმართებს.გმადლობ რომ გადამარჩინე. -უთხრა და თავლები ეშმაკურად აატრიალა.

-რას ქვია ვალი გადახდილი გაქ?-ტვინში აასხა ბრაზი გულას.-რაა ცავ,ამას უძახი ვალის გადახდას?იცი რა გედევტად მაშინ?არა რა,ბლაცვი ვარ ბლაცვი! კი არნა დაგხმარებოდი,თოვლინა წემეყარა თავზე,რომ მამ ყრალი ენა კიდვენ აღარ გეტარტარებია. მომინდომა ერთი წაფშუკუნებით ვალის მოხდა.მთელი ცხოვრება რომ მორბედად დიმიდგე ჩემი ვალიდან ვერ ამოხვალ გედაგენი?-დუუკრიჭა ბიჭმა კბილები დამცინავად მოციცინე ციცას და ხელით გასასლელისკენ მიანიშნა.

გოგვების წასლის მერე რეჯებალამს ბადიში ოდაში ჩედაკეტა და დიდხანს ბრაზობდა მის თავზე და იმ ხეპრე გოგოზე.ვერ მიმხტარიყო, ასე ადვილად რაფერ გამოყავდა ამ ციცას წყობიდან.,,სადმე ხრამთან რომ შემხდეს მარტვაი,წიხლს ვკარ და გადავჩეხავ მაგ ლიფსიტას მაგას...რა მოხდა მერე?,იმ ღამე წისქვილში რომ არ ვყოფილიყავ, კტარი არ იქნებოდა მამ ზავალი მაინც?“ -ფიქრობდა გულში და თანდათან ეცინებოდა საკუთარ თავზე,-,,ასე რაფერ მაპარპაშებს ეს ქალის ნაწყვეტად, ეგოო“ .ბევრი ფიქრის მერე გულამ თავს პირობა დუუდვა, რომ არათუ ამ ციცას მედყვანდა ცოლად,პირიქით,ისე გუუმწარებდა სიცოცხლეს,რომ სამუდამოდ გააქცევდა სოფლიდან.

\* \* \*

სახლში დაბრუნებული ხატოდ ცოტა არ იყოს აფორიაქებული იყო.იმდენი ხანი უცადა გულასთან შეხვედრას,რომ თითქმის ყველა წუთი ქონდა წინდაწინ გაყურვილი\*,მარა ბიჭისგან ამფერ შეხვედრას არ მეელოდა ციცამ.ეგონა ერთი შეხედვით დააბამდა და სამუდამოთ დედატევდა მის გვერდში,მარა ამდენი ნაფიშმანი ერთიანად ჩეეფუშა ხელებში.,,ამ ბიჭის მორჯულება ძნელი იქნება, მარა მაინც გევტან ჩემსო“-გადაწყვიტა ციცამ და დეიკაპიწა ხელები.

ჯერ იყო და შინავრები გააგზავნა ბიჭთან -,ხოჯას უთქმია,უსტავლელს ციცას ვერ გავატანო,ნასტავლი კი მარტვად შენ ხარ სოფელშიო“-გულას ამაზე ბევრი უცინია და ასე

შუუთლია: -,ქალაქში იმდენი ნასწავლია,რომ თუ ამფერი კად ციცად ყავდა,იქ მიეფერებია\* ვინმესთვისინო“. მერე იყო და,, ძველი ამბების გამო გულად ვალდებულია ცოლად მედყვანოსო“.ამაზე გაბრაზებულს უთქმია:-,, იმისთინ ხომ არ გიდიმირჩენია,რომ ჩემი ცხოვრება ემენგრევიასო“და ა.შ. მარა რამემ არ გაჭრა. ბოლოს, ციცასაც ყიაში ამუუვდა გულად ამდენი თავის დაფასება და გაბრაზებულმა ხალხში ხმა გაავცელა : „ხოჯა დედემ მამალებს თვარა მაგფერ მიგვაამოკერილ ფუხარას სალამსაც არ მივცემდიო“.ამას კი აღარ მეელოდა გულად და ცოტა არ იყოს გულის ბალანი დუუთეშა\* ხატოს სიტყვებმა.

იმ დღის მერე კად ხანი რამე არ გუუგია ხატოზე.უკვე ზამთარი იყო და იმით იმშვიდებდა გულად გულს,რომ ციცად ქალაქში ვეღარ წევდოდა მისი მეგობარი გოგვებივით . ერთხელ ხოჯის ნათესავი ბიჭი ამოვდა მასთან და ჩუმად ხატოს წერილი მიაფერვა. „ვიცი, ჩემზე ძალვან ხარ გაბრაზებული,მარა მაინცნა გთხოვო ერთი რაცხა.ხვალ დილაზე შენს წისქვილში ამოვალ და დეგელაპარიკები.“-ეწერა წერილში. იმ დამის გათენებას სულუხსარივით ელოდა გულად.ამდენი გულისტკივილი უკვალოდ გამქრალიყო და ახლა,რადგან ასე შემობრუნდა საქმე,მზად იყო ფეხებში ჩავარდნოდა ციცას და მთელი ცხოვრება მის ფერებაში გეეტარებია. მთელი დამე ზინზირიქებდა\* ლოგინში და ბორგავდა.რაცხაფერ იქნა ძალით გაათენა ეს დამე და მერე პაწად შეეშინდა:,,ვად,თუ სულ სხა რამეზე მიბარებს და სულას არ ფიქრობს იმაზე,რაზეც მეო.“ასე ხიხათ\* ჯერ არ ყოფილა. უცბათად სხვა რამე რომ ვერ მედფიქრა,გაახსენდა დედემ სიტყვები: ,, რომცხა ძალვან გვიჭირს ქილისეში ავდივართ და თუ ვინმე არ გვიყურებს, გორხულო ქვების წინ ვიმუხლვით და უბეში გადანახულ სანთლებს ვანთებთ ძველებივით და იქავრ ღმერთს დახმარებას ვთხოვთო“... ჰოდა,გულამაც სანთლების დანთება გადაწყვიტა . რაფერ ედარა ქილისემს აღმართი ვერ მიხდა ბალანამ.ამ ეზოში ამოსლა იმფერ შვებას აძლევდა გულზე,რომ ბალნობიდან მოყოლებული,სულ აქ იოხებდა გულის დერდებს.ციცადს მოსლამდე სანთლების დანთება გადაწყვიტა.დაანთო კიდევ და რაცხაფერ მოახერხა,ისე მედლოცა იქავრი ღმერთი...მერე წისქვილში ჩევდა, დაანთო ცეცხლი და ის იყო, უნდა წამოწოლილიყო რომ კარებზე ვინცხამ დააკაკუნა.ბიჭი ნელა წამოდგა და კარი გააღო.კარში მარტვად იდგა ციცად.გულამ წისქვილში შუუშვა ხატოდ და კარი მაგრად გამეხურა.

-მეგონა, ჩემი კიდვენ გეშინოდა და არ შემხდებოდი.-უთხრა ციცამ გულას და სექვზე წამოჯდა.ამ სიტყვებზე გულას სისხლი გეყინა ძარღვებში და იმფერმა გაბრაზებულმა შუუბღვირა ციცას,რომ ი ზავალი შიშისგან კედელზე ედწურა.

-გისმენ!-ცივად უთხრა ციცას და თუთუნს მუუკიდა.

-ჰო,კად ნუ იბრიქვი,რაცხანა გთხოვო,-დეიწყო სერიოზულად ციცამ.-დედემ ქალაქში აღარ მიშვებს,იმიჩემა: ,,ილლექი აქნა გათხოვდეო“.არ ვიცი რაფერნა მევქვე. ხომ ხედავ,არ ვარ მე სოფლის ქალი,აქ რამეში ვერ გამოვდგები,მარა არ მინდა დედეს გული ვატკინო.გამოზაფულებამდის დრო მინდა მოგვო.

-მერე მე რა შვაში ვარ?-გუუკვირდა გულას?

-შენდა დემეხმარო!

-რაფერ?

-დიმინიშნოდა!

-რაო?-ფეხზე წამოდგა გულად,-გააფრინე?

-ვიცოდი,ვიცოდი რომ ამფერი მოშიშარაები იყავით სოფლელი ბიჭები. უფროსების უკითხველი ფეხსაც ვერ გადაგადგმევიებენ ვინმე.-თქვა ციცამ და ქვედან ამოხედა გაკვირვებულგან პირდაფრენილ ბიჭს.-შევცდი,არნა მოვსულიყავ! -წამედტირა ციცამ და წასლა დააპირა.ზაქარა პაწა ხანს გაჩერდა და მერე ციცას კითხა:

-ასე რაზენა მედქვე?

-თოვლი რომ ადნება ქალაქში წევალ და იმბიქს წავყვები ცოლად,ვინც მიყვარს.-  
უპასუხა ციცამ.ამის გაგონებაზე რაცხა მწარედ ჩაწყდა გულას გულში, მარა თავი ხელში ედევანა და ციცას კითხა:

-თუ იმ ბიჭზე წაყოლა გინდოდა, იქ არ იყავ,აქ რა მოგარბენიებდა?

-არა,იქიდან რომ გავთხოვილიყავ, დედემ ჩემს ნენეს ამა არასდროს აპატიებდა.

-ახლა რანნა ქნა?

-ახლა არაფერი,დედემ იილექი ვინცხას მიმათხვებს.ის ბიჭი რომ გაზაფხულზე ამოვა, თუ წიმიყვანა წავყვები,თუ არადა თავს მევკლავ.აქ მაინც არ დავჩები.-დედჩივლა ციცამ და ჩუმათად ქვეშ-ქვეშ ამოხედა ბიჭს.გულას ცოტა არ იყოს, მართლა შეეცოდა გოგო და კითხა :

-ჩემთან რაზე მოა?

-შენ ერთადერთი ბიჭი იყავ ამ სოფელში რომელიც მომწონდა.ის ქალაქელი რომ არა, ალბათ , მთელი ცხოვრება შენზე ვიქნებოდი შეყვარებული,მარა ახლა ყველაფერი სხვანაირადაა.

-მე რაფერნა დეგეხმარო,მითხარ აბა.-ფიშმანის მერე უთხრა გულამ და გულდაწვეტილმა დუუყურა ციცამს ლაპარაკს...

\* \* \*

ხატომს და გულამს ნიშნობა მთელი სოფლის სალაპარაკო გახდა.რას არ ყვებოდა ხალხი: „რეჯებალას ხოჯის სახში იმფერი ნიშან-ბოხჩა მუუტანია,რომ ხოჯას თვალები შუბზე ასლიაო“,სხვები კი ამბობდნენ: „იმ ფუხარა რეჯებალას რამს ფარა ქონდა,რომ გელინისთინ რამე მიეტანა,ისვენ ხოჯის მოტანილი მუუტანიან უკანო“ და ამფერები კიდევ რამდენი...

გულას ისე ტკივოდა ყველაფერზე გული,რომ ზოგჯერ უკმაყოფილო მზერასაპარებდა ქილისედსკენ,ესაოდა,,ერთხელ ვთხვე რაცხა და ისიც ამფრად შებრუნებული შიმისრულაო“,მარა თქმით ვინმესთან რამეს ვერ ამბობდა. დარცხვენილი ვერც თვალებში უყურებდა მოხუცებს და უმეტეს წილად ოდაში გამოკეტილი იჯდა.მართალია,იცოდა, რომ ეს ნიშნობა რამეს არ ნიშნავდა,მარა მაინც ხატოსთან შეხვედრიდან შეხვედრამდე ქონდა დრო მონიშნული.რომ გეკითხა, მერე რა იქნებაო,ვერაფერს გიპასუხებდა.თავის თავზე ეშლებოდა ნერვები: „ ასე რაზე დემემართაო“... გამოზაფხულეზულზე ოჯახებმა ქორწილისთინ დედწყეს ხიზმეთი\*. ამით შეწუხებულმა გულამ ხატოს სახში მიაკითხა.მართალია,ჯერ კიდევ ციოდა, მარა ციცამ თხლათ ჩაცმული,დიდ შალმომხვევლი იდგა ტანტრაბაში და გზას უყურებდა. ყოველი წუთი,რომელიც ხატოსთან უნდა გეტარებია დიდი ტკივილით და სიხარულით იყო სავსე.რაც უფრო ახლოს იყვენ დასასრულთან,მით უმფო მეტად უყვარდებოდა გულას ციცამ. ახლაც ისე უფრთხოდა სული,რომ მზად იყო მუხლებში ჩავარდნოდა და ისე ეთხოვა სიყვარული.ეპატიებია სხვისი სიყვარული და სამუდამოდ დეეხუჭა თვალი ყველაფერზე. უნდოდა რომ სამუდამოდ მის გვედში მდგარიყო და ყოველ მის ამოსუნთქვაზე თითო ნაბიჯით უფრო ზედთ ეეწია ეს გრძნობა.ახლოს მისულმა შენიშნა, რომ ხატო სულ მთლად გალურჯებულიყო სიცივისგან.

-რა ხდება,რატომ დგახარ ასე თხლად ჩაცმული ამ სიცივეში?-მზრუნველობით კითხა ბიჭმა და მხარზე ოდნავ გადამშპარი შალი ყელთან მუუყარა.მისი ყელის სითბო ისე მიეთბუნა თითებზე,რომ მთელი სხეული უუზინზრიქდა და ძლივად შედკავა თავი და რომ გულში არ ჩეებლუჯა.

-ორ დღეში ქორწილი გვაქ,ზეგე დილას ი ბიჭი აქ ამოვა და დედეს ჩემ თავს თხოვს.კად იქნებოდა,რომ შენაც შეპირებული გყოლოდა ვინმე და მარტვამ არ დარჩენილიყავ. ციცამს სიტყვებზე გულას მწარედ ჩეეცინა და ჩუმად უთხრა:

-მთავარია, შენ გიგიმართლოს ყველაფერში და მე რაცხა მეშველებაო.

იმ საღამოს გულასთან ხატომს გამოგზავნილი ბაღანა მოვდა და უთხრა რომ: „ხატომ თქვა, დღეს ღამე ჩემთან მოვდეს იილექიო.რაცხა შედგვალა და საქმეშინა ჩავახედო,თვარა ხვალ დილას ყველაფერი გვიან იქნებაო“.ამ ამბავმა სულ არია ბაღანა. დაღამებას გულის ზორზოლით\* უცადა და როდცხა ყველაფერი მიწყნადა, სახლიდან ქურდივით გედეპარა და სიბნელეს შეერია.უსულით შევდა ხოჯის ეზოში და უჩუმარად გედედეპარა ტანტრაბაში.მოსინჯა ფანჯრები და რომელიც ღია იყო იმაში გადაძრა.ჩუმად მიმეხედა და როცხა დარწმუნდა, რომ ოთახი არ არევია, ფეხაკრეფით მივდა ციცამს ლოგინთან და ის იყო უნდა გეეღვიძებია,რომ გაშეშდა. ცხოვრებაში პირველად ხედავდა ლოგინში დაწოლილ ქალს.თეთრი მხრები მთვარესავით მუუჩანდა თეთრ ლოგინში ხატოს.ისე ღმათ ეძინა ციცას,რომ გულამ მზად იყო,აგზენ დარჩენილიყო და მისი ძილისთინ ედარაჯა მთელი სიცოცხლე.ამ წუთში მასზე ბედნიერი კაცი დუნიაზე არ დეიარებოდა.სული ყიაში ქონდა მობჯენილი და ძლივამ იკავებდა ცრემლებს.უნდოდა ხელში ეხუპა და ასე ეწიკა\* სიკდილის ბოლომდე მისი გულის ნაფეთქარი ციცამ... ამ ფიქრებშიიყო გულამ,რომ ხატომ ლოგინში გადაბრუნდა და თავზე დამდგარი კაცის რომ დედნახა, კინალამ იკივლა,მარა მალე მოვდა გონზე და ლოგინში წამოჯდა.შიშველი მხრები ახლა კიდვენ უფრო მუუშიშვლდა ციცას და უფრო დიდზე დაზაფრა ყაზახი.

-დაჯექი ჩემთან!-ჩუმად უთხრა გულას და მის გვერდით ალაგზე მიანიშნა.

-არა,აგზე ვიქნები.-იუხერხულა ბიჭმა.

-მოდ მეთქი,რაცხანა გითხრა!-ჩუუფურჩულა და გვერდზე მიიწია.

გულა ფთხილად ჩამოჯდა ხატოსთან და ყინულივით გაშეშდა.ხატომ მეორე ბალიში ამედლო ლოგინიდან და ზურგის უკან დუუდვა ბიჭს.გულა მთელი ტანით მიეყრდნო ბალიშს და გედტრუნა.ხატომ პაწაზე წამოწია თავი გულას მიაყრდნო მკერდზე. ბიჭი ისე აზინზრიქდა,რომ უკვე ველარაფერს მალავდა.ის იყო უნდა წამომხტარიყო ლოგინიდან,რომ ხატომ დააკავა.

-იცი რაზე დიგიბარე?-ჩუმად კითხა ციცამ ბიჭს და ქვედდან ახედა. -კიდვენ ერთი რაცხანა გაგანდო.მე რომ დღეს რამეს შეცლა შემეძლოს, - მოყვა ამბავს შორიდან,-ამქორწილს არ ჩავშლიდი და სამუდამოდ შენთან დავრჩებოდი,მარა ...

-რა მარა,რა ხდება?მითხარ თუ ღმერთი გწამს, თვარა ამძრა სული ცდამი.

-მინდა რომ ამ ღამეს ჩემთან დარჩე.მინდა,რომ ამით მაინც გიდიგიხადო ვალი,იმ ყველაფრისთინ,რაც ჩემზე გიგიკეთებია.

-არა,რას ამბობ?შენ მალე სხვისი ცოლინა გახდე.

-არა უშავს.მასთან უკვე ვიყავ და...ამიტომ რამე არ დემემჩნევა.-თქვა ციცამ და თვალი მოაშორა გულას.

თავზარდაცემული ბიჭი ყურებს არ უჯერებდა.უცბათად იმფერი ბლეზი მეერია, რომ მზად იყო ყიაში ცემომოდა ციცას და ერთი ხელის მოსმით დეემთავრებია ყველაფერი.მარა, მარტო ეს არ იქნებოდა საკმარისი.უნდოდა,რომ მისი სიყვარულისთვის,საქმროს დალატისთინ,ხოჯის შერცხვენისთინ და საერთოდ, ყველა უკეთურებისთინ ერთად ეზღვევია.ის იყო წამოდგა და ხელი წედლო ციცამსკენ, რომ კიდვენ ერთხელ გაშეშდა ზავალი.მის წინ ულამაზესი არსება იწვა ნახვარად წამომჯდარი და ცრემლიანი თვალებით ეხვეწებოდა: „ ნუ გამწირავო!“ . გულამ იგძნო, ცოტა კიდვენ რომ ეყურებია ამ ციცამსთინ,მართლა ველარ შედკავებდა თავს და უჭკვო ქალის დაკრულზე მოყვებოდა ცეკვას.ამას კი ებზედი ვერ აპატიებდა თავს.გულას დედემს ნათქვამი სიტყვები გაახსენდა უცბათად: „ჭკვას კაცმა უნდა მუუხმოს,თვარა ქალებს იგი ზოგჯერ ჰიჩ არ მეეთხოვებაო “ და

იმწამალად წუჭირა ციცას ყიაში,მარა, დასახზობად წაღებული ხელები მისთათვინაჲ რაფერ მეეხვია ხატოს,ეს ვერ მიხტა...დიდხანს ეფერებოდა და კოცნიდა ზაქარა მისთინ ამფერ საყვარელ და სამულველ სხეულს . უკვე ყველაფრის კვალი წაშლილიყო.ჰადმენ აღარ იყო სიყვარული და პატივისცემა, აღარც სიძულვილი და შუღლი.მარტო აჩხერებული სისხლი და აფორიაქებული სული დარჩენილიყო ქარიშხალივით,რომელიც ყველას და ყველაფერს გულში იხვევდა და ანადგურებდა...

ჰადამდე გაგრძელდა ყველაფერი,აღარ ახსოვდა გულას.უსიტყვოთ მიჩერებოდა ჭერს და თვალებიდან სიმწრის კურცხლები ცვიოდა.მის მკერდზე ჯერ კიდევ ფეთქავდა გული,რომლის მოსპობაც ასე გულით უნდოდა და მზად იყო კიდევ, ყოველ წუთში დეესრულებია დაწყებული საქმე, მარა, იმწამალად ახსენდებოდა, რომ ყველაფერში მანაც იყო გარეველი და ამიტომაც იჯდა ხელფეხმეკრულივით. რამდენ ხანს იყო დაყუყვილი ციცამს ლოგინთან არ ახსოვდა,მარა როდცხა ცაზე მთვარე ამეღწვერა და ცის კაფალზე მამალივით დაწუწდა\*ისე გამოებანდა ყოლიმფერი ,რომ წასლა დააპირა. მძიმედ აათრია ტანი ლოგინიდან და ის იყო ჩაცმას აპირებდა, რომ კიდვენ ერთხელ დეებუცა ლოგინს და სუნთქვა გუუკავდა,თაბრუ დეესხა და საწოლის წინ მუხლებზე ჩეიჩოქა.ასე დარჩა მანამ ,სანამ არ გემსაზრა, თუ რაფერ მოატყვილა კიდვენ ერთხელ ამ ციცამ და სამუდამოდ გააბა მახეში...

გულად გათენებამდე ჰადმენ აღარ წესულა.ჰიჩ არ უფიქრია იმაზე,თუ რაფერ უნდა გესულიყო აქიდან ან რაფერნა ეეტანა ციცამს ოჯახისგან ქოთი\* .ის ახლა სულ სხვა რამეზე ფიქრობდა და უსულ-უსულით ალაგებდა მომავლის გეგმებს. დილაადრიან ეზოში გესული ისე ნელა მიაბიჯებდა,გეგონებოდა უნდოდა,რომ მთელ სოფელს დეენახა ხატოს ოთახიდან გამოსული და მერე თუნდაც ყველას ერთად დეელეღვა მისთინ ცხვირპირი...ჰიმჰკართან მისულმა ფეხებთან მიფორთხებულ ძაღლს თავზე ხელი გუდუღუსვა და შემთხვევით თვალი წამოკრა ღობეზე ინდაყვჩამოყრდნობილ რეჯებალას და ხოჯა ეფენდის,რომლებსაც ჩუმათად ეცინებოდენ ბუღღებში და მაშინათვე ყველაფერს მიხდა...გახარებულ ბაღანას მისთათვინაჲ გულში ძაღები ჩუუდინდა და მადლიერი მზერა გეეპარა ჯვარიგორისკენ, სადაც გორხულო ქვიებით გარშემორტყმული ქილისე წიწილებით კალთა ამოვსებულ კრუხივით იდგა და მზრუნველ თვალს არ ამორებდა დუუთლელი დარდითა თუ სიხარულით დუნიაზე მომობნეულ შვილებს...

- აჯელი-სამაგიერო
- გაყურვილი-გათვლილი
- მიფეჩვება-მისაღება
- დუუთემა-დაუწვა,დაუთუთქა
- ზინზრიქი-მოუსვენრობა
- ხიხათ-ცუდად
- მისთათვინაჲ-თავისით,მისდაუნებურად
- ხიზმეთი-სამზადისი
- ზორზოლი-კანკალი
- ეწიკა-ეტარებია
- დაწუწდა-დაჯდა ბატონივით
- ქოთი-ცემა